

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं ॥

कृष्ण यजुर्वेदीय तैत्तिरीय संहिता पद पाठः (वाक्य सहित)

द्वितीयकाण्डे चतुर्थः प्रश्नः

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in.

Version Notes:

This is now the current Version 0.2 dated August 31, 2020.

1. This replaces the earlier version 0.1 dated May 31, 2020.
2. This version has been updated with the errors found and reported till Aug 15, 2020.
3. Required convention, style and presentation improvements or standardisations has been done wherever applicable.
4. In this Compilation the Samita Vaakyams have been suitably aligned, synchronised and refurbished in line with “Pada Paatam”.

Earlier Versions

| | | |
|-----|----------------|--------------------------|
| 1st | Version Number | 0.0 dated 30th June 2019 |
| 2nd | Version Number | 0.1 dated 31st May 2020 |

Contents

2 कृष्ण यजुर्वेदीय तैत्तिरीय संहिता पद पाठे द्वितीयं काण्डं.....4

2.4 द्वितीयकाण्डे चतुर्थः प्रश्नः – इष्टिविधानं..... 4

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

2 कृष्ण यजुर्वेदीय तैत्तिरीय संहिता पद पाठे द्वितीयं

काण्डं

2.4 द्वितीयकाण्डे चतुर्थः प्रश्नः – इष्टिविधानं

TS 2.4.1.1

दे॒वा म॒नु॒ष्याः॑॑ पि॒तरस्ते॑॑ऽन्य॒त आ॒स॒न्न॒सु॒रा र॒क्षाँ॑सि पि॒शा॒चास्ते॑॑
ऽन्य॒तस्तेषां॑ दे॒वाना॑मु॒त यद॒ल्पं लो॒हित॑मकु॒र्वन् तद्-र॒क्षाँ॑सि
रा॒त्रीभि॑रसु॒भ्नन् ता॒न्थ सु॒ब्धान् मृ॒तान॑भि व्यौ॒च्छत् ते दे॒वा अ॒वि॒दुर्यो॑
वै नोऽयं॑ म्रि॒यते॑ र॒क्षाँ॑सि वा इ॒मं घ्न॑न्तीति ते र॒क्षाँ॑स्यु॒पा॒म॒न्त्रय॑न्त
ता॒न्यब्रु॑वन् वरं॑ वृ॒णाम॑है य - [] 1

TS 2.4.1.1 - Padam

दे॒वाः । म॒नु॒ष्याः॑ । पि॒तरः॑ । ते । अ॒न्य॒तः । आ॒स॒न्न । अ॒सु॒राः ।
र॒क्षाँ॑सि । पि॒शा॒चाः॑ । ते । अ॒न्य॒तः । तेषा॑म् । दे॒वाना॑म् । उ॒त ।
यत् । अ॒ल्पम् । लो॒हितम् । अकु॑र्वन् । तत् । र॒क्षाँ॑सि ।

रात्री॑भिरि॒ति रा॒त्रि-भिः॑ । अ॒सु॒भ्नन् । तान् । सु॒ब्धान् । मृ॒तान् ।
अ॒भि । वी॒ति । औ॒च्छत् । ते । दे॒वाः । अ॒वि॒दुः । यः । वै । नः ।
अ॒यम् । म्रि॒यते॑ । रक्षा॑ँ॒सि । वै । इ॒मम् । घ्न॒न्ति । इति॑ । ते ।
रक्षा॑ँ॒सि । उपेति॑ । अ॒मन्त्र॑यन्त । तानि॑ । अ॒ब्रु॒वन् । वरम्॑ ।

वृ॒णाम॑है । यत् । 1 (50)

TS 2.4.1.2

-द॒सु॒रान् जया॑म तन्नः॑ स॒हास॑दि॒ति ततो॑ वै दे॒वा अ॒सु॒रान॑जयन्
तेऽसु॑रान् जि॒त्वा रक्षा॑ँ॒स्यपा॑नुदन्त॒ तानि॑ रक्षा॑ँ॒स्यनृ॑तम॒ कर्ते॑ति
सम॒न्तं दे॒वान् पर्य॑वि॒शन् ते दे॒वा अ॒ग्ना॑वनाथन्त॒ तेऽग्नये॑ प्र॒वते
पु॒रोडा॑शम॒ष्टाक॑पालं॒ निर॑वपन्न॒ग्नये॑ वि॒बाध॑वतेऽग्नये॒ प्रती॑कवते॒ यद॒ग्नये॑
प्र॒वते नि॒रव॑पन्॒ यान्ये॒व पु॒रस्ता॑द्-रक्षा॑ँ॒स्या - [] 2

TS 2.4.1.2 - Padam

अ॒सु॒रान् । जया॑म । तत् । नः । स॒ह । अ॒सत् । इति॑ । ततः॑ । वै ।
दे॒वाः । अ॒सु॒रान् । अ॒जय॑न् । ते । अ॒सु॒रान् । जि॒त्वा । रक्षा॑ँ॒सि ।
अ॒पेति॑ । अ॒नु॒दन्त॑ । तानि॑ । रक्षा॑ँ॒सि । अ॒नृ॒तम् । अ॒कर्त॑ । इति॑ ।

स॒म॒न्त॒मि॒ति॒ सं – अ॒न्त॒म् । दे॒वान् । परी॒ति॒ । अ॒वि॒श॒न् । ते ।
दे॒वाः । अ॒ग्नौ । अ॒नाथ॒न्त॒ । ते । अ॒ग्नये॑ । प्र॒व॒त॒ इति॒ प्र – व॒ते ।
पु॒रो॒डा॒श॒म् । अ॒ष्टाक॑पा॒लमि॒त्य॒ष्टा – क॒पा॒ल॒म् । नि॒रि॒ति॒ ।
अ॒व॒प॒न् । अ॒ग्नये॑ । वि॒बा॒ध॒व॒त॒ इति॒ वि॒बा॒ध – व॒ते ।
अ॒ग्नये॑ । प्र॒ती॒क॒व॒त॒ इति॒ प्र॒ती॒क – व॒ते । यत् । अ॒ग्नये॑ ।
प्र॒व॒त॒ इति॒ प्र – व॒ते । नि॒र॒व॒प॒न्नि॒ति॒ निः – अ॒व॒प॒न् । या॒नि॒ ।
ए॒व । पु॒र॒स्तात् । र॒क्षा॒सि॒ । 2 (50)

TS 2.4.1.3

–स॒न्तानि॒ तेन॒ प्रा॒णु॒द॒न्त॒ यद॒ग्नये॑ वि॒बा॒ध॒व॒ते या॒न्ये॒वा॒भितो॑
र॒क्षा॒स्य॒सन् तानि॒ तेन॒ व्य॒बा॒ध॒न्त॒ यद॒ग्नये॑ प्र॒ती॒क॒व॒ते या॒न्ये॒व
प॒श्चाद्–र॒क्षा॒स्य॒सन् तानि॒ तेना॒पा॒नु॒द॒न्त॒ ततो॑ दे॒वा अ॒भ॒व॒न् प॒रा॒सु॒रा
यो भ्रा॒तृ॒व्य॒वा॒न्थ॒ स्या॒थ॒ स स्पर्द्ध॑मान॒ एत॑येष्ट्या॒ यजे॑ता॒ग्नये॑ प्र॒व॒ते
पु॒रो॒डा॒श॒म॒ष्टाक॑पा॒लं निर्व॑पेद॒ग्नये॑ वि॒बा॒ध॒व॒ते – [] 3

TS 2.4.1.3 - Padam

आसन् । तानि । तेन । प्रेति । अनुदन्त । यत् । अग्नये ॥
विबाधवत इति विबाध – वते । यानि । एव । अभितः ।
रक्षांसि । आसन् । तानि । तेन । वीति । अबाधन्त । यत् ।
अग्नये ॥ प्रतीकवत इति प्रतीक – वते । यानि । एव । पश्चात् ।
रक्षांसि । आसन् । तानि । तेन । अपेति । अनुदन्त । ततः ।
देवाः । अभवन् । परेति । असुराः । यः । भ्रातृव्यवानिति
भ्रातृव्य – वान् । स्यात् । सः । स्पर्द्धमानः । एतया ॥ इष्ट्या ॥
यजेत । अग्नये ॥ प्रवत इति प्र – वते । पुरोडाशम् ।
अष्टाकपालमित्यष्टा – कपालम् । निरिति । वपेत् ।
अग्नये ॥ विबाधवत इति विबाध – वते । 3 (50)

TS 2.4.1.4

अग्नये प्रतीकवते यदग्नये प्रवते निर्वपति य एवास्माच्छ्रेयान्-
भ्रातृव्यस्तं तेन प्र णुदते यदग्नये विबाधवते य एवैनैन सदृङ् तं तेन
वि बाधते यदग्नये प्रतीकवते य एवास्मात् पापीयान् तं तेनाप नुदते

प्र श्रेया॑ऽसं॒ भ्रातृ॑व्यं नुद॒तेऽति॑ स॒दृशं॑ क्रा॒मति॑ नैनं॒ पापी॑यानाप्नोति॒
य ए॒वं () वि॒द्वाने॒तये॑ष्व्या॒ यज॑ते ॥ 4

TS 2.4.1.4 - Padam

अ॒ग्नये॑ । प्र॒तीक॑वत इति॒ प्र॒तीक॑ – व॒ते । यत् । अ॒ग्नये॑ ।
प्र॒वत॑ इति॒ प्र – व॒ते । निर्व॑पतीति॒ निः – व॑पति । यः । ए॒व ।
अ॒स्मात् । श्रेया॑न् । भ्रातृ॑व्यः । तम् । तेन॑ । प्रेति॑ । नुद॒ते ।
यत् । अ॒ग्नये॑ । वि॒बाध॑वत इति॒ वि॒बाध॑ – व॒ते । यः । ए॒व । ए॒नेन॑ ।
स॒दृङ्ङिति॑ स – दृङ् । तम् । तेन॑ । वीति॑ । बा॒धते॑ । यत् । अ॒ग्नये॑ ।
प्र॒तीक॑वत इति॒ प्र॒तीक॑ – व॒ते । यः । ए॒व । अ॒स्मात् । पापी॑यान् ।
तम् । तेन॑ । अपेति॑ । नुद॒ते । प्रेति॑ । श्रेया॑ऽसम् । भ्रातृ॑व्यम् ।
नुद॒ते । अतीति॑ । स॒दृश॑म् । क्रा॒मति॑ । न । ए॒नम् । पापी॑यान् ।
आ॒प्नोति॑ । यः । ए॒वम् () । वि॒द्वान् । ए॒तया॑ । इ॒ष्ट्या॑ ।
यज॑ते ॥ 4 (54) (वृ॒णाम॑है यत् – पु॒रस्ता॑द् रक्षा॑ऽसि- व॒पेद॑ग्नये॑
वि॒बाध॑वत – ए॒वं – च॒त्वारि॑ च) (A1)

TS 2.4.2.1

दे॒वा॒सु॒राः सँ॑य॒त्ता आ॒सन् ते दे॒वा अ॒ब्रु॒वन् यो नो॑ वी॒र्या॑व॒त्तम॒स्तम॑नु॒
स॒मा॒र॒भा॒म॒हा इति॑ त इन्द्र॑म॒ब्रु॒वन् त्वं वै नो॑ वी॒र्या॑व॒त्तमो॒ऽसि त्वा॑म॒नु॒
स॒मा॒र॒भा॒म॒हा इति॑ सोऽब्र॑वीत् तिस्रो॑ म॒ इ॒मास्त॑नुवो॒ वी॒र्या॑व॒ती॒स्ताः
प्री॑णी॒ताथा॒सु॒रा॒न॒भि भ॑विष्य॒थेति॑ ता वै ब्रू॒हीत्य॑ब्रुव॒न्निय॒-म॑हो॒मु॒गि॒यं
वि॒मृ॒धे॒यमिन्द्रि॑याव॒ती - [] 5

TS 2.4.2.1 - Padam

दे॒वा॒सु॒रा इति॑ दे॒व - अ॒सु॒राः । सँ॑य॒त्ता इति॑ सं - य॒त्ताः ।
आ॒सन् । ते । दे॒वाः । अ॒ब्रु॒वन् । यः । नः । वी॒र्या॑व॒त्तम॒ इति॑
वी॒र्या॑व॒त् - त॒मः । तम् । अ॒न्वि॒ति । स॒मा॒र॒भा॒म॒हा इति॑
सं - आ॒र॒भा॒म॒है । इति॑ । ते । इन्द्र॑म् । अ॒ब्रु॒वन् । त्वम् । वै । नः ।
वी॒र्या॑व॒त्तम॒ इति॑ वी॒र्या॑व॒त् - त॒मः । अ॒सि । त्वा॑म् । अ॒न्वि॒ति ।
स॒मा॒र॒भा॒म॒हा इति॑ सं-आ॒र॒भा॒म॒है । इति॑ । सः । अ॒ब्र॑वीत् । ति॒स्रः ।
मे । इ॒माः । त॒नु॒वः । वी॒र्या॑व॒तीरि॒ति वी॒र्य॑ - व॒तीः । ताः ।
प्री॑णी॒त । अथ॑ । अ॒सु॒रान् । अ॒भी॒ति । भ॑विष्य॒थ । इति॑ । ताः । वै ।

ब्रू॒हि । इति॑ । अ॒ब्रुवन् । इ॒यम् । अ॒॒होमु॒गित्य॒॑हः-मुक् । इ॒यम् ।
वि॒मृ॒धेति॑ वि - मृ॒धा । इ॒यम् । इन्द्रि॒यावती॑तीन्द्रि॒य - वती॑ । 5 (50)

TS 2.4.2.2

-त्यब्र॒वीत् इन्द्रा॑या॒॒होमु॒चे पु॒रोडा॑शमेकादशकपालं नि॒रव॑पन्निन्द्रा॒य
वैमृ॒धायेन्द्रा॑येन्द्रि॒याव॑ते यदिन्द्रा॑या॒॒होमु॒चे नि॒रव॑पन्॒॒हस॑ ए॒व
तेना॑मुच्यन्त॒ यदिन्द्रा॑य वैमृ॒धाय॑ मृ॒ध ए॒व तेना॑पा॒घ्नत॑यदिन्द्रा॑येन्द्रि॒याव॑त
इन्द्रि॒यमे॒व तेना॑*ऽऽत्मन्नदधत॒ त्रय॑स्त्रि॒॒शत्क॑पालं पु॒रोडा॑शं नि॒रव॑पन्
त्रय॑स्त्रि॒॒शद्वै दे॒वता॑स्ता इन्द्र॒ आ॒त्मन्न॑नु॒ समा॑रंभयत॒ भूत्यै॑ - [] 6

TS 2.4.2.2 - Padam

इति॑ । अ॒ब्र॒वीत् । ते । इन्द्रा॑य । अ॒॒होमु॒च इत्य॒॑हः - मु॒चै ।
पु॒रोडा॑शम् । ए॒काद॑शकपालमित्येकादश - क॒पालम् । नि॒रिति॑ ।
अ॒व॒पन् । इन्द्रा॑य । वैमृ॒धाय॑ । इन्द्रा॑य । इन्द्रि॒याव॑त
इतीन्द्रि॒य - व॑ते । यत् । इन्द्रा॑य । अ॒॒होमु॒च इत्य॒॑हः - मु॒चै ।
नि॒रव॑पन्निति॑ निः - अ॒व॒पन् । अ॒॒हसः॑ । ए॒व । तेन॑ । अ॒मुच्य॑न्त ।
यत् । इन्द्रा॑य । वैमृ॒धाय॑ । मृ॒धः । ए॒व । तेन॑ । अ॒पेति॑ । अ॒घ्नत॑ ।

यत् । इन्द्राय । इन्द्रियावत इतीन्द्रिय – वते । इन्द्रियम् ।

एव । तेन । आत्मन् । अदधत ।

त्रयस्त्रिंशत्कपालमिति त्रयस्त्रिंशत् – कपालम् ।

पुरोडाशम् । निरिति । अवपन् । त्रयस्त्रिंशदिति त्रयः – त्रिंशत् ।

वै । देवताः । ताः । इन्द्रः । आत्मन् । अन्विति ।

समारंभयतेति सं – आरंभयत । भूत्यै । 6 (50)

TS 2.4.2.3

तां वाव देवा विजिति-मुत्तमा-मसुरै-र्व्यजयन्तयो भ्रातृव्यवान्थ-

स्याथ् स स्पर्द्धमान एतयेष्ट्या यजेतेन्द्रायाऽहोमुचे

पुरोडाशमेकादशकपालं निर्वपेदिन्द्राय वैमृधायेन्द्रायेन्द्रियावते-

ऽहसा वा एष गृहीतो यस्माच्छ्रेयान् भ्रातृव्योयदिन्द्रायाऽहोमुचे

निर्वपत्यऽहस एव तेन मुच्यतेमृधा वा एषोऽभिषण्णो यस्माथ्

समानेष्वन्यः श्रेयानुता – [] 7

TS 2.4.2.3 - Padam

ताम् । वाव । देवाः । विजि॑तिमि॒ति वि – जि॒तिम् ।
उत्त॑मामि॒त्युत् – त॒माम् । असु॑रैः । वी॒ति । अज॑यन्त । यः ।
भ्रातृ॑व्यवा॒निति॒ भ्रातृ॑व्य – वा॒न् । स्यात् । सः । स्पर्द्ध॑मानः ।
ए॒तया॑ । इ॒ष्ट्या॑ । यजे॑त । इन्द्रा॑य । अ॒होमु॒च इत्य॑हः – मु॒चे॑ ।
पु॒रोडा॑शम् । ए॒काद॑शक॒पालमि॒त्येका॑दश – क॒पालम् । नि॒रिति॑ ।
व॒पेत् । इन्द्रा॑य । वैमृ॑धाय । इन्द्रा॑य । इन्द्रि॑याव॒त इतीन्द्रि॑य – व॒ते ।
अ॒हसा॑ । वै । ए॒षः । गृ॒हीतः॑ । यस्मा॑त् । श्रेया॑न् । भ्रातृ॑व्यः । यत् ।
इन्द्रा॑य । अ॒होमु॒च इत्य॑हः – मु॒चे॑ । निर्व॑पतीति॒ निः – व॑पति ।
अ॒हसः॑ । ए॒व । तेन॑ । मु॒च्यते॑ । मृ॒धा । वै । ए॒षः ।
अ॒भिष॑ण्ण इत्य॒भि – स॒न्नः॑ । यस्मा॑त् । स॒माने॑षु । अ॒न्यः ।
श्रेया॑न् । उ॒त । 7 (50)

TS 2.4.2.4

–ऽभ्रातृ॑व्यो यदिन्द्रा॑य वैमृ॑धाय मृ॒ध ए॒व तेना॑प ह॒ते यदिन्द्रा॑येन्द्रि॒याव॒त
इन्द्रि॑यमे॒व तेना॑त्मन् ध॒त्ते त्रय॑स्त्रि॒ंशत्क॑पालं पु॒रोडा॑शं निर्व॑पति

त्रयस्त्रिंशद्वै देवतास्ता एव यजमान आत्मन्नु समारंभयते भूत्यै
सा वा एषा विजितिर्नामेष्टिर्य एवं विद्वानेतयेष्ट्या यजत उत्तमामेव
विजितिं भ्रातृव्येण वि जयते ॥ 8

TS 2.4.2.4 - Padam

अभ्रातृव्यः । यत् । इन्द्राय । वैमृधाय । मृधः । एव । तेन ।
अपेति । हते । यत् । इन्द्राय । इन्द्रियावत इतीन्द्रिय – वते ।
इन्द्रियम् । एव । तेन । आत्मन् । धत्ते ।
त्रयस्त्रिंशत्कपालमिति त्रयस्त्रिंशत् – कपालम् । पुरोडाशम् ।
निरिति । वपति । त्रयस्त्रिंशदिति त्रयः – त्रिंशत् । वै ।
देवताः । ताः । एव । यजमानः । आत्मन् । अन्विति ।
समारंभयत इति सं – आरंभयते । भूत्यै । सा । वै । एषा ।
विजितिरिति वि – जितिः । नाम । इष्टिः । यः । एवम् । विद्वान् ।
एतया । इष्ट्या । यजते । उत्तमामित्युत् – तमाम् । एव ।
विजितिमिति वि – जितिम् । भ्रातृव्येण । वीति । जयते ॥ 8 (49)

(इन्द्रियावती – भूत्या – उतै – कान्नपञ्चाशच्च) (A2)

TS 2.4.3.1

दे॒वा॒सु॒राः सँ॑य॒त्ता आ॒सन् तेषां॑ गाय॒त्र्यो॒जो ब॑ल॒मिन्द्रि॑यं वी॒र्यं॑ प्र॒जां
प॒शून्त् संगृ॑ह्या *ऽऽदा॒या-प॒क्रम्या॑तिष्ठत् तेऽम॒न्यन्त॑ य॒तरान्
वा इ॒यमु॑पाव॒थ्स्य॑ति॒ त इ॒दं भ॑विष्य॒न्तीति॑ तां व्य॑ह॒यन्त॑ वि॒श्वक॑र्म॒न्निति॑
दे॒वा दा॑भीत्य॒सुराः सा नान्य॑तरा॒ञ्च-नो॑पाव॒र्तत॑ ते दे॒वा
ए॒तद्-य॑जुरप॒श्यन्नो॑जोऽसि॒ सहो॑ऽसि॒ बल॑म॒सि - [] 9

TS 2.4.3.1 - Padam

दे॒वा॒सु॒रा इति॑ दे॒व - अ॒सु॒राः । सँ॑य॒त्ता इति॑ सं - य॒त्ताः ।
आ॒सन् । तेषां॑ । गा॒य॒त्री । ओजः॑ । ब॒लम् । इन्द्रि॑यम् । वी॒र्यम्॑ ।
प्र॒जामि॑ति प्र - जा॒म् । प॒शून् । संगृ॑ह्येति सं - गृ॒ह्य ।
आ॒दाये॑त्या - दा॒य । अ॒प॒क्रम्ये॑त्यप - क्र॒म्य । अ॒तिष्ठ॑त् । ते ।
अ॒म॒न्यन्त॑ । य॒तरान् । वै । इ॒यम् । उ॒पाव॑थ्स्य॒तीत्यु॑प - आ॒व॒थ्स्य॑ति ।
ते । इ॒दम् । भ॑विष्य॒न्ति । इति॑ । ता॒म् । वी॑ति । अ॒ह॒यन्त॑ ।
वि॒श्वक॑र्म॒न्निति॑ वि॒श्व - क॒र्मन् । इति॑ । दे॒वाः । दा॑भि । इति॑ ।
अ॒सु॒राः । सा । न । अ॒न्य॒तरान् । च॒न । उ॒पाव॑र्त॒तेत्यु॑प - आ॒व॒र्तत॑ ।

ते । दे॒वाः । ए॒तत् । य॒जुः । अ॒प॒श्यन् । ओ॒जः । अ॒सि । स॒हः ।

अ॒सि । ब॒लम् । अ॒सि । 9 (50)

TS 2.4.3.2

भ्रा॒जो॒ऽसि॑ दे॒वानां॑ धा॒म ना॒मा॒ऽसि॑ वि॒श्वम॑सि वि॒श्वायुः॑ स॒र्वम॑सि
स॒र्वायु॑र॒भिभू॑रिति॒ वाव॑ दे॒वा अ॒सुरा॑णा॒मो॒जो ब॒लमि॑न्द्रि॒यं वी॒र्यं॑ प्र॒जां
प॒शून् वृ॑ज्जत॒ यद्-गा॑य॒त्र्यप॑क्र॒म्याति॑ष्ठत् तस्मा॑दे॒तां गा॑य॒त्रीती॑ष्टि॒माहुः॑
सँव॑त्स॒रो वै गा॑य॒त्री सँव॑त्स॒रो वै तद॑प॒क्रम्या॑ति॒ष्ठद्-य॑दे॒तया॑
दे॒वा अ॒सुरा॑णा॒मो॒जो ब॒लमि॑न्द्रि॒यं वी॒र्यं॑ – [] 10

TS 2.4.3.2 - Padam

भ्रा॒जः । अ॒सि । दे॒वाना॑म् । धा॒म । ना॒म । अ॒सि । वि॒श्वम् । अ॒सि ।

वि॒श्वायु॑रिति॒ वि॒श्व – आ॒युः । स॒र्वम् । अ॒सि । स॒र्वायु॑रिति॒

स॒र्व – आ॒युः । अ॒भिभू॑रि॒त्यभि॑ – भूः । इति॑ । वाव॑ । दे॒वाः ।

अ॒सुरा॑णा॒म् । ओ॒जः । ब॒लम् । इ॒न्द्रि॒यम् । वी॒र्य॑म् ।

प्र॒जामि॑ति॒ प्र-जा॑म् । प॒शून् । अ॒वृ॑ज्जत॒ यत् । गा॑य॒त्री ।

अ॒प॒क्रम्ये॑त्यप॒ – क्र॒म्य । अ॒ति॑ष्ठत् । तस्मा॑त् । ए॒ताम् । गा॑य॒त्री । इति॑ ।

इष्टि॑म् । आ॒हुः । सँ॒व॒त्स॒र इति॑ सं – व॒त्स॒रः । वै । गा॒य॒त्री ।
सँ॒व॒त्स॒र इति॑ सं – व॒त्स॒रः । वै । तत् । अ॒प॒क्र॒म्ये॒त्य॒प – क्र॒म्य ।
अ॒ति॒ष्ठ॒त् । यत् । ए॒त॒या॑ । दे॒वाः । अ॒सु॒रा॒णाम् । ओ॒जः । ब॒लम् ।
इ॒न्द्रि॒यम् । वी॒र्य॑म् । 10 (50)

TS 2.4.3.3

प्र॒जां प॒शून् वृ॒ज्ज॒त तस्मा॑दे॒ताꣳ सँ॒व॒र्ग इति॑ष्टि॒मा॒हु॒र्यो
भ्रा॒तृ॒व्य॒वा॒न्त्स्या॒त् स॒स्प॒र्द्ध॒मा॒न ए॒त॒ये॒ष्ट्या॑ य॒जे॒ता॒ग्न॒ये सँ॒व॒र्गा॒यि
पु॒रो॒डा॒श॒म॒ष्टा॒क॒पा॒लं निर्व॑पेत् तꣳ शृ॒त॒मा॒स॒न्न॒मे॒तेन॑ य॒जु॒षा॒भि
मृ॒शे॒दो॒ज ए॒व ब॒ल॒मि॒न्द्रि॒यं वी॒र्यं॑ प्र॒जां प॒शून् भ्रा॒तृ॒व्य॒स्य वृ॒द्धे
भ॒व॒त्या॒त्म॒ना प॒रा॒स्य॑ भ्रा॒तृ॒व्यो भ॒व॒ति ॥ 11

TS 2.4.3.3 - Padam

प्र॒जा॒मि॒ति प्र – जा॒म् । प॒शून् । अ॒वृ॒ज्ज॒त । तस्मा॑त् । ए॒ता॒म् ।
सँ॒व॒र्ग इति॑ सं – वर्गः॑ । इति॑ । इष्टि॑म् । आ॒हुः । यः ।
भ्रा॒तृ॒व्य॒वा॒नि॒ति भ्रा॒तृ॒व्य – वा॒न् । स्या॒त् । सः । स्प॒र्द्ध॒मा॒नः । ए॒त॒या॑ ।
इ॒ष्ट्या॑ । य॒जे॒त । अ॒ग्न॒ये । सँ॒व॒र्गा॒येति॑ सं – वर्गा॒यि ।

पुरो॑डाश॑म् । अ॒ष्टाक॑पा॒लमि॒त्य॒ष्टा – क॒पा॒लम् । नि॒रि॒ति॑ ।
व॒पेत् । तम् । शृ॒तम् । आ॒स॒न्नमि॒त्या – स॒न्नम् । ए॒तेन॑ । य॒जुषा॑ ।
अ॒भी॒ति॑ । मृ॒शेत् । ओजः॑ । ए॒व । ब॒लम् । इ॒न्द्रि॒यम् । वी॒र्य॑म् ।
प्र॒जामि॑ति प्र – जा॒म् । प॒शून् । भ्रातृ॑व्यस्य । वृ॒द्धे । भ॒वति॑ ।
आ॒त्मना॑ । प॒रेति॑ । अ॒स्य । भ्रातृ॑व्यः । भ॒वति॑ ॥ 11 (45)

(ब॒लम॑स्ये – तया॑ दे॒वा अ॒सुरा॑णामो॒जो ब॒लमि॑न्द्रि॒यं वी॒र्यं –
पञ्च॑च॒त्वारि॑ंश॒च्च) (A3)

TS 2.4.4.1

प्र॒जाप॑तिः प्र॒जा अ॒सृज॑त ता अ॒स्मात् सृ॒ष्टाः प॒राची॑-रा॒यन् ता
य॒त्राव॑सन् ततो॑ ग॒र्मुदु॑दतिष्ठत् ता बृ॒हस्प॑तिश्चान्व॒वैता॑ँ सौ॒ब्रवी॑द्
बृ॒हस्प॑तिर॒नया॑ त्वा प्र ति॒ष्ठान्य॑थ त्वा प्र॒जा उ॒पाव॑त्स्यन्तीति॒ तं प्रा॑तिष्ठत्
ततो॑ वै प्र॒जाप॑तिं प्र॒जा उ॒पाव॑र्तन्त यः प्र॒जाका॑मः स्यात् तस्मा॑ ए॒तं
प्रा॒जाप॑त्यं गा॒र्मुतं॑ च॒रुं निर्व॑पेत् प्र॒जाप॑ति – [] 12

TS 2.4.4.1 - Padam

प्र॒जाप॑तिरि॒ति प्र॒जा – प॒तिः । प्र॒जा इति॑ प्र-जाः । अ॒सृज॑त । ताः ।
अ॒स्मात् । सृ॒ष्टाः । प॒राचीः । आ॒यन् । ताः । यत्र॑ । अ॒वस॑न् । ततः ।
ग॒र्मुत् । उ॒दि॒ति । अ॒तिष्ठ॑त् । ताः । बृ॒हस्प॑तिः । च ।
अ॒न्ववै॑तामि॒त्यनु॑ – अ॒वैता॑म् । सः । अ॒ब्रवी॑त् । बृ॒हस्प॑तिः । अ॒नया॑ ॥
त्वा । प्रे॒ति । ति॒ष्ठानि॑ । अथ॑ । त्वा । प्र॒जा इति॑ प्र – जाः ।
उपा॑व॒थ्स्य॑न्तीत्युप – आ॒व॒थ्स्य॑न्ति । इति॑ । तम् । प्रे॒ति । अ॒तिष्ठ॑त् ।
ततः । वै । प्र॒जाप॑तिमि॒ति प्र॒जा – प॒तिम् । प्र॒जा इति॑ प्र – जाः ।
उपा॑व॒र्तन्ते॑त्युप – आ॒व॒र्तन्त॑ । यः । प्र॒जाका॑म इति॑ प्र॒जा – का॒मः ।
स्यात् । तस्मै॑ ॥ ए॒तम् । प्रा॒जाप॑त्यमि॒ति प्रा॒जा – प॒त्यम् । गा॒र्मु॒तम् ।
च॒रुम् । नि॒रिति॑ । व॒पेत् । प्र॒जाप॑तिमि॒ति प्र॒जा – प॒तिम् । 12 (50)

TS 2.4.4.2

–मे॒व स्वे॒न भा॒गधे॒येनो॒प धा॒वति॑ स ए॒वास्मै॑ प्र॒जां प्र॑ ज॒नय॑ति
प्र॒जाप॑तिः प॒शून्सृ॑जत ते॒ऽस्मात् सृ॒ष्टाः प॒राञ्च॑ आ॒यन् ते॑ यत्रा॒वस॑न्
ततो॑ ग॒र्मुदु॑दतिष्ठत् तान् पू॒षा चा॒न्ववै॑ता ॥ सो॒ऽब्रवी॑त् पू॒षाऽनया॑ मा

प्र ति॒ष्ठ॒अथ॑ त्वा प॒श॒व उ॒पाव॑थ्स्यन्तीति॒ मां प्र ति॒ष्ठेति॒ सोमो॑ऽब्रवीन्

मम॒ वा – [] 13

TS 2.4.4.2 - Padam

ए॒व । स्वे॒न । भा॒ग॒धे॒ये॒नेति॑ भा॒ग – धे॒ये॒न । उ॒पेति॑ । धा॒वति॑ ।
सः । ए॒व । अ॒स्मै । प्र॒जा॒मिति॑ प्र – जा॒म् । प्रेति॑ । ज॒न॒यति॑ ।
प्र॒जा॒प॒तिरिति॑ प्र॒जा – प॒तिः । प॒शून् । अ॒सृ॒जत॑ । ते । अ॒स्मात् ।
सृ॒ष्टाः । प॒राञ्चः॑ । आ॒यन् । ते । यत्र॑ । अ॒व॒सन् । ततः॑ । ग॒र्मुत् ।
उ॒दि॒ति । अ॒ति॒ष्ठत् । तान् । पू॒षा । च । अ॒न्व॒वै॒ता॒मित्य॑नु – अ॒वै॒ता॒म् ।
सः । अ॒ब्रवी॑त् । पू॒षा । अ॒नया॑ । मा । प्रेति॑ । ति॒ष्ठ । अथ॑ । त्वा ।
प॒श॒वः । उ॒पाव॑थ्स्यन्तीत्युप – आ॒व॒थ्स्य॑न्ति । इति॑ । मा॒म् । प्रेति॑ ।
ति॒ष्ठ । इति॑ । सोमः॑ । अ॒ब्रवी॑त् । मम॑ । वै । 13 (50)

TS 2.4.4.3

अ॒कृ॒ष्ट॒प॒च्य॒मित्यु॑भौ वां प्र ति॒ष्ठानी॑त्यब्रवीत् तौ प्राति॒ष्ठत् ततो॑ वै
प्र॒जा॒प॒तिं प॒श॒व उ॒पाव॑र्तन्त यः प॒शु॒कामः॑ स्यात् तस्मा॑ ए॒तꣳ
सो॒मा॒पौ॒ष्णं गा॑र्मु॒तं च॒रुं नि॒र्व॒पेथ् सो॒मा॒पू॒षणा॑वे॒व स्वे॒न भा॒ग॒धे॒ये॒नोप॑

धावति तावेवास्मै पशून् प्र जनयतः सोमो वै रेतोधाः पूषा पशूनां
प्रजनयिता सोम एवास्मै रेतो दधाति पूषा () पशून् प्रजनयति ॥ 14

TS 2.4.4.3 - Padam

अकृष्टपच्यमित्यकृष्ट – पच्यम् । इति । उभौ । वाम् । प्रेति ।
तिष्ठानि । इति । अब्रवीत् । तौ । प्रेति । अतिष्ठत् । ततः । वै ।
प्रजापतिमिति प्रजा – पतिम् । पशवः । उपावर्तन्तेत्युप-आवर्तन्त ।
यः । पशुकाम इति पशु – कामः । स्यात् । तस्मै । एतम् ।
सोमापौष्णमिति सोमा – पौष्णम् । गार्मुतम् । चरुम् । निरिति ।
वपेत् । सोमापूषणाविति सोमा – पूषणौ । एव । स्वेन ।
भागधेयेनेति भाग- धेयेन । उपेति । धावति । तौ । एव । अस्मै ।
पशून् । प्रेति । जनयतः । सोमः । वै । रेतोधा इति रेतः – धाः ।
पूषा । पशूनाम् । प्रजनयितेति प्र – जनयिता । सोमः । एव ।
अस्मै । रेतः । दधाति । पूषा () । पशून् । प्रेति ।

जनयति ॥ 14 (53)

(वपेत् प्रजापतिं – वै – दधाति पूषा – त्रीणि च) (A4)

TS 2.4.5.1

अग्ने॑ गोभि॑र्न आ ग॒ही॒न्दो॑ पु॒ष्ट्या जु॑षस्व नः ।

इन्द्रो॑ ध॒र्ता गृ॑हेषु नः ॥

स॒वि॒ता यः स॒ह॒स्रि॒यः स नो॑ गृ॒हेषु॑ रा॒र॒णत् ।

आ पू॒षा ए॒त्वा व॑सु ॥

धा॒ता द॑दातु नो र॒यिमी॑शा॒नो ज॑ग॒त॒स्प॒तिः ।

स नः॑ पू॒र्णेन॑ वा॒व॒नत् ॥

त्व॒ष्टा यो वृ॑ष॒भो वृ॒षा स नो॑ गृ॒हेषु॑ रा॒र॒णत् ।

स॒ह॒स्रे॑णा॒युते॑न च ॥

येन॑ दे॒वा अ॒मृ॒तं – [] 15

TS 2.4.5.1 - Padam

अग्ने॑ । गोभिः॑ । नः॑ । एति॑ । ग॒हि । इन्द्रो॑ इति॑ । पु॒ष्ट्या । जु॑षस्व ।

नः॑ ॥ इन्द्रः॑ । ध॒र्ता । गृ॑हेषु । नः॑ ॥ स॒वि॒ता । यः । स॒ह॒स्रि॒यः ।

सः । नः॑ । गृ॑हेषु । रा॒र॒णत् ॥ एति॑ । पू॒षा । ए॒तु । एति॑ । व॑सु ॥

धा॒ता । द॑दातु । नः॑ । र॒यिम् । ई॒शा॒नः । ज॑ग॒तः । प॒तिः ॥ सः । नः॑ ।

पूर्णे॑न । वा॒व॒न॒त् ॥ त्व॑ष्टा । यः । वृ॒ष॒भः । वृ॒षा । सः । नः । गृ॒हेषु॑ ।
रा॒र॒ण॒त् ॥ स॒ह॒स्रे॑ण । अ॒यु॒तेन॑ । च । येन॑ । दे॒वाः । अ॒मृत॑म् । 15 (50)

TS 2.4.5.2

दी॒र्घ॑ञ् श्र॒वो दि॒व्यैर॑यन्त ।
रा॒य॒स्पोष॑ त्वम॒स्मभ्यं॑ ग॒वां कु॒ल्मिं जी॒व॒स आ यु॑वस्व ॥
अ॒ग्नि॑ गृ॒ह॒प॒तिः सोमो॑ वि॒श्व॒व॒निः स॒वि॒ता सु॒मे॒धाः स्वाहा॑ ॥
अ॒ग्ने॑ गृ॒ह॒प॒ते य॒स्ते घृ॒त्यो भा॒ग॒स्तेन॑ स॒ह ओज॑ आ॒क्र॒म॒मा॒णाय॑ धेहि
श्रै॒ष्॒ठ्या॒त्प॒थो मा योषं॑ मूर्द्धा भू॒यास॑ञ् स्वाहा ॥ 16

TS 2.4.5.2 - Padam

दी॒र्घ॑म् । श्र॒वः । दि॒वि । ऐ॒र॑यन्त ॥ रा॒यः । पो॒ष । त्व॑म् ।
अ॒स्मभ्य॑मि॒त्य॒स्म – भ्य॑म् । ग॒वा॒म् । कु॒ल्मि॑म् । जी॒व॒सै । ए॒ति ।
यु॒व॒स्व ॥ अ॒ग्निः । गृ॒ह॒प॒तिरि॑ति गृ॒ह – प॒तिः । सोमः॑ । वि॒श्व॒व॒निरि॑ति
वि॒श्व – व॒निः । स॒वि॒ता । सु॒मे॒धा इति॑ सु॒मे॒धाः । स्वाहा॑ ॥ अ॒ग्ने॑ ।
गृ॒ह॒प॒त इति॑ गृ॒ह – प॒ते । यः । ते । घृ॒त्यः । भा॒गः । तेन॑ । स॒हः ।

ओजः । आक्रम॑माणा॒येत्या॑-क्रम॑माणा॒य । धेहि॑ । श्रष्ट्या॑त् । पथः ।
मा । योष॑म् । मूर्द्धा॑ । भूया॑स्म । स्वाहा॑ ॥ 16 (38)

(अमृत॑ - मष्टात्रिं॑श्च) (A5)

TS 2.4.6.1

चित्रया॑ यजेत॑ पशु॑काम॒ इयं॑ वै चित्रा॑ यद्वा अस्यां॑ विश्वं॑ भूतमधि॑
प्रजाय॑ते तेनेयज्चित्रा॑ य एवं॑ विश्वं॑ श्चित्रया॑ पशु॑कामो॒ यजते॑
प्र प्रजया॑ पशु॑भिर्मिथु॑नैर्जायते॑ प्रैवाऽऽग्नेयेन॑ वापयति॑ रेतः॑ सौम्येन॑
दधाति॑ रेत॑ एव॒ हितं॑ त्वष्टा॑ रूपाणि॒ वि करो॑तिसारस्वतौ॑ भवत॑ एतद्वै
दैव्यं॑ मिथु॑नं दैव्यमेवा॑स्मै - [] 17

TS 2.4.6.1 - Padam

चित्रया॑ । यजेत॑ । पशु॑काम॒ इति॑ पशु - कामः॑ । इयम् । वै ।
चित्रा॑ । यत् । वै । अस्याम् । विश्वम् । भूतम् । अधीति॑ ।
प्रजाय॑त इति॑ प्र - जायते । तेन॑ । इयम् । चित्रा॑ । यः । एवम् ।
विद्वान् । चित्रया॑ । पशु॑काम॒ इति॑ पशु - कामः॑ । यजते॑ । प्रेति॑ ।
प्रजयेति॑ प्र - जया॑ । पशु॑भिरिति॑ पशु - भिः । मिथु॑नैः । जायते॑ ।

प्रेति॑ । ए॒व । आ॒ग्ने॒येन॑ । वा॒प॒य॒ति । रे॒तः । सौ॒म्येन॑ । द॒धा॒ति । रे॒तः ।
ए॒व । हि॒तम् । त्व॒ष्टा॑ । रू॒पाणि॑ । वी॒ति । क॒रो॒ति । सा॒र॒स्व॒तौ ।
भ॒व॒तः । ए॒तत् । वै । दै॒व्यम् । मि॒थु॒नम् । दै॒व्यम् । ए॒व ।

अ॒स्मै । 17 (50)

TS 2.4.6.2

मि॒थु॒नं म॒द्ध्य॒तो द॒धा॒ति पु॒ष्ट्यै॑ प्र॒ज॒न॒नाय॑ सि॒नीवा॒ल्यै च॒रु॒र्भ॒व॒ति
वा॒ग्वै सि॒नीवा॒ली पु॒ष्टिः ख॒लु वै वाक्पु॒ष्टिमे॒व वा॒चमु॒पैत्यै॑न्द्र उ॒त्त॒मो
भ॒व॒ति ते॒नैव॑ तन्मि॒थु॒नं स॒प्तै॒तानि॑ ह॒वीषि॑ भ॒व॒न्ति स॒प्त ग्रा॒म्याः
प॒श॒वः स॒प्तार॒ण्याः स॒प्त छ॒न्दा॒भ्यु॒भय॑स्या-व॒रु॒द्ध्य॒ अथै॒ता आ॒हु॒ती
जु॒होत्ये॒ते वै दे॒वाः पु॒ष्टि॒प॒त॒य॒स्त ए॒वा () स्मिन् पु॒ष्टिं द॒ध॒ति पु॒ष्य॒ति
प्र॒ज॒या प॒शुभि॑रथो य॒दे॒ता आ॒हु॒तीजु॒होति॑ प्र॒ति॒ष्ठि॒त्यै ॥ 18

TS 2.4.6.2 - Padam

मि॒थु॒नम् । म॒द्ध्य॒तः । द॒धा॒ति । पु॒ष्ट्यै॑ । प्र॒ज॒न॒नाये॑ति प्र – ज॒न॒नाय॑ ।
सि॒नीवा॒ल्यै । च॒रुः । भ॒व॒ति । वाक् । वै । सि॒नीवा॒ली । पु॒ष्टिः ।
ख॒लु । वै । वाक् । पु॒ष्टिम् । ए॒व । वा॒चम् । उ॒पे॒ति । ए॒ति । ऐ॒न्द्रः ।

उ॒त्त॒म इ॒त्यु॒त् – त॒मः । भ॒व॒ति॒ । ते॒न॒ । ए॒व । त॒त् । मि॒थु॒न॒म् । स॒प्त ।
 ए॒ता॒नि॒ । ह॒वी॒ष्णि॒ । भ॒व॒न्ति॒ । स॒प्त । ग्रा॒म्याः । प॒श॒वः । स॒प्त ।
 आ॒र॒ण्याः । स॒प्त । छ॒न्दा॒सि॒ । उ॒भय॑स्य । अ॒व॒रु॒द्ध्य॒
 इ॒त्य॒व – रु॒द्ध्यै॒ । अ॒थ । ए॒ताः । आ॒हु॒ती॒रि॒त्या – हु॒तीः॒ ।
 जु॒हो॒ति॒ । ए॒ते । वै । दे॒वाः । पु॒ष्टि॒प॒त॒य इति॑ पु॒ष्टि॒ – प॒त॒यः॒ ।
 ते । ए॒व () । अ॒स्मि॒न् । पु॒ष्टि॒म् । द॒ध॒ति॒ । पु॒ष्य॒ति॒ । प्र॒ज॒ये॒ति॒
 प्र – ज॒या॒ । प॒शु॒भि॒रि॒ति॒ प॒शु – भिः॒ । अ॒थो इति॑ । य॒त् । ए॒ताः ।
 आ॒हु॒ती॒रि॒त्या – हु॒तीः॒ । जु॒हो॒ति॒ । प्र॒ति॒ष्ठि॒त्या इति॑
 प्र॒ति – स्थि॒त्यै ॥ 18 (62) (अ॒स्मै – त ए॒व – द्वा॒द॒श च) (A6)

TS 2.4.7.1

मा॒रु॒त॒म॒सि॒ म॒रु॒ता॒मो॒जो॒ऽपां॑ धा॒रां॑ भि॒न्धि॒ र॒म॒य॒त म॒रु॒तः॑ श्ये॒न॒मा॒यि॒नं॑
 म॒नो॒ज॒व स॒वृ॒ष॒ण॒ सु॒वृ॒क्तिं॑ ॥

ये॒न श॒र्द्ध॑ उ॒ग्र॒म॒व॒सृ॒ष्ट॒मे॒ति॒ तद॑श्चि॒ना परि॑ ध॒त्त॒ स्व॒स्ति॒ ।

पु॒रो॒वा॒तो व॒र्ष॒ज्जि॒न्व॒रा॒वृ॒थ्–स्वा॒हा वा॒ता॒व॒द्– व॒र्ष॒न्नु॒ग्र॒रा॒वृ॒थ् स्वा॒हा॑

स्तनयन् वरुषन् भीमरावथस्वाहा ऽनशन्यवस्फूर्जन्-दिद्युद्-वरुषन्-
त्वेषरावृथ् स्वाहा ऽतिरात्रं वरुषन् पूर्तिरावृथ् - [] 19

TS 2.4.7.1 - Padam

मारुतम् । असि । मरुताम् । ओजः । अपाम् । धाराम् । भिन्धि ।
रमयत । मरुतः । श्येनम् । आयिनम् । मनोजवसमिति
मनः - जवसम् । वृषणम् । सुवृक्तिमिति सु - वृक्तिम् ॥
येन । शर्द्धः । उग्रम् । अवसृष्टमित्यव - सृष्टम् । एति । तत् ।
अश्विना । परीति । धत्तम् । स्वस्ति ॥ पुरोवात इति पुरः - वातः ।
वरुषन् । जिन्वः । आवृदित्या - वृत् । स्वाहा ।
वातावदिति वात - वृत् । वरुषन् । उग्रः । आवृदित्या - वृत् ।
स्वाहा । स्तनयन् । वरुषन् । भीमः । आवृदित्या - वृत् । स्वाहा ।
अनशनि । अवस्फूर्जनित्यव-स्फूर्जन् । दिद्युत् । वरुषन् । त्वेषः ।
आवृदित्या - वृत् । स्वाहा । अतिरात्रमित्यति - रात्रम् ।
वरुषन् । पूर्तिः । आवृदित्या - वृत् । 19 (50)

TS 2.4.7.2

स्वाहा॑ बहु॑ हा॒यम॑वृषादि॒ति श्रु॒तरा॒वृथ् स्वाहा॑ ऽऽत॒पति॑ व॒र्षन्-
वि॒राडा॒वृथ् स्वाहा॑ ऽव॒स्फूर्ज॑न्-दि॒द्युद्-व॒र्षन् भू॒तरा॒वृथ् स्वाहा॑मा॒न्दा
वा॒शाः शु॒न्ध्यूर॑जि॒राः ।

ज्यो॒तिष्म॑ती-स्त॒मस्व॑री-रु॒न्दतीः॑ सु॒फेनाः॑ ।

मि॒त्रभृ॑तः क्ष॒त्रभृ॑तः सु॒राष्ट्रा॑ इ॒ह मा॑ऽव॒त ॥

वृ॒ष्णो अ॑श्वस्य स॒न्दान॑मसि॒ वृष॑ट्यै त्वो॒प न॑ह्यामि ॥ 20

TS 2.4.7.2 - Padam

स्वाहा॑ । बहु॑ । ह॒ । अ॒यम् । अ॒वृषा॑त् । इति॑ । श्रु॒तः ।

आ॒वृदि॑त्या - वृत् । स्वाहा॑ । आ॒तप॑तीत्या - त॒पति॑ । व॒र्षन् ।

वि॒राडि॑ति वि - राट् । आ॒वृदि॑त्या - वृत् । स्वाहा॑ ।

अ॒वस्फूर्ज॑न्नित्य॒व - स्फूर्ज॑न् । दि॒द्युद् । व॒र्षन् । भू॒तः ।

आ॒वृदि॑त्या - वृत् । स्वाहा॑ । मा॒न्दाः । वा॒शाः । शु॒न्ध्यूः । अ॒जि॒राः ॥

ज्यो॒तिष्म॑तीः । त॒मस्व॑रीः । उ॒न्दतीः॑ । सु॒फेना॑ इति सु - फे॒नाः ॥

मि॒त्रभृ॑त इति मि॒त्र - भृ॑तः । क्ष॒त्रभृ॑त इति क्ष॒त्र - भृ॑तः ।

सुरा॑ष्ट्रा इति॑ सु – रा॒ष्ट्राः । इ॒ह । मा । अ॒वत॑ ॥ वृ॒ष्णः । अ॒श्वस्य॑ ।

स॒न्दा॒नमि॑ति सं – दा॒नम् । अ॒सि । वृ॒ष्ट्यै । त्वा । उ॒पेति॑ ।

न॒ह्यामि॑ ॥ 20 (42) (पूर्ति॑रावृद् – द्विच॑त्वारिंशच्च) (A7)

TS 2.4.8.1

दे॒वा व॑सव्या अ॒ग्ने सोम॑ सूर्य ॥

दे॒वाः श॑र्मण्या मि॒त्राव॑रुणाऽर्यमन् ॥

दे॒वाः स॑पीतयो ऽपां॑ नपादाशुहेमन् ।

उ॒द्नो द॑त्तोदधिं भि॒न्त दि॒वः प॒र्जन्या॑दन्तरिक्षात् पृथि॒व्यास्ततो॑

नो वृ॒ष्ट्याऽव॑त ॥

दि॒वा चि॒त्तमः॑ कृण्वन्ति प॒र्जन्ये॑नो-दवा॒हेन॑ ।

पृथि॒वीं य॑द् व्यु॒न्दन्ति॑ ॥

आ यं नरः सु॒दान॑वो ददाशुषे दि॒वः को॒शम॑चुच्यवुः ।

वि प॒र्जन्याः॑ सृजन्ति रोदसी अनु धन्व॑ना यन्ति – [] 21

TS 2.4.8.1 - Padam

दे॒वाः । व॒स॒व्याः । अ॒ग्ने॑ । सो॒म । सू॒र्य ॥ दे॒वाः । श॒र्म॒ण्याः ।
मि॒त्रा॒व॒रु॒णेति॑ मि॒त्रा – व॒रु॒णा । अ॒र्य॒मन् ॥ दे॒वाः ।
स॒पी॒तय॑ इति॑ स – पी॒तयः॑ । अ॒पाम् । न॒पात् ।
आ॒शु॒हे॒म॒न्नि॒त्याशु॑ – हे॒मन् ॥ उ॒द्नः । द॒त्त । उ॒द॒धि॒मि॒त्यु॒द – धि॒म् ।
भि॒न्त । दि॒वः । प॒र्ज॒न्यात् । अ॒न्त॒रि॒क्षात् । पृ॒थि॒व्याः । त॒तः । नः ।
वृ॒ष्ट्या । अ॒व॒त ॥ दि॒वा । चि॒त् । त॒मः । कृ॒ण्व॒न्ति । प॒र्ज॒न्ये॒न ।
उ॒द॒वा॒हे॒ने॒त्यु॒द – वा॒हे॒न ॥ पृ॒थि॒वी॒म् । य॒त् । व्यु॒न्द॒न्तीति॑ वि॒-उ॒न्द॒न्ति ॥
ए॒ति । य॒म् । न॒रः । सु॒दान॑व इति॑ सु॒-दान॑वः । द॒दा॒शु॒षे॑ । दि॒वः ।
को॒श॒म् । अ॒चु॒च्य॒वुः ॥ वी॒ति । प॒र्ज॒न्याः । सृ॒ज॒न्ति । रो॒द॒सी इति॑ ।
अ॒न्वि॒ति । ध॒न्व॒ना । य॒न्ति । 21 (50)

TS 2.4.8.2

वृ॒ष्टयः॑ ॥
उ॒दी॒र॒य॒था म॒रु॒तः स॒मु॒द्र॒तो यू॒यं वृ॒ष्टिं वृ॒ष॒य॒था पु॒री॒षि॒णः ।
न वो॑ द॒स्रा उप॑ द॒स्य॒न्ति धे॒न॒वः शु॒भं या॒ता॒म॒नु र॒था अ॒वृ॒थ्स॒त ॥

सृ॒जा वृ॒ष्टिं दि॒व आ॒द्भिः॑ स॒मु॒द्रं पृ॒ण ॥
 अ॒ब्जा अ॒सि प्र॒थम॒जा ब॒लम॒सि स॒मु॒द्रि॒यं ॥
 उ॒न्न॒म्भय॑ पृ॒थि॒वीं भि॒न्धी॑दं दि॒व्यं न॒भः ।
 उ॒द्नो दि॒व्यस्य॑ नो दे॒हीशा॒नो वि सृ॒जा दृ॒तिं ॥
 ये दे॒वा () दि॒विभा॒गा ये॒ऽन्तरि॑क्षभा॒गा ये पृ॒थि॒विभा॒गाः ।
 त इ॒मं य॒ज्ञम॑व॒न्तु त इ॒दं क्षे॒त्रमा॑ वि॒शन्तु॑ त इ॒दं क्षे॒त्रम॑नु
 वि वि॒शन्तु॑ ॥ 22

TS 2.4.8.2 - Padam

वृ॒ष्टयः॑ ॥ उ॒दि॒ति । ई॒रय॑थ । म॒रुतः॑ । स॒मु॒द्रतः॑ । यू॒यम् । वृ॒ष्टिम् ।
 व॒र्षय॑थ । पु॒रीषि॑णः ॥ न । वः । द॒स्राः । उ॒पेति॑ । द॒स्यन्ति॑ ।
 धे॒नवः॑ । शु॒भम् । या॒ताम् । अ॒न्वि॒ति । र॒थाः । अ॒वृ॒त्स॒त ॥ सृ॒ज ।
 वृ॒ष्टिम् । दि॒वः । ए॒ति । अ॒द्भिरि॑त्यत् – भिः । स॒मु॒द्रम् । पृ॒ण ॥
 अ॒ब्जा इ॒त्यप् – जाः । अ॒सि । प्र॒थम॒जा इति॑ प्रथम – जाः ।
 ब॒लम् । अ॒सि । स॒मु॒द्रि॒यम् ॥ उ॒दि॒ति । न॒म्भय॑ । पृ॒थि॒वीम् । भि॒न्धि ।
 इ॒दम् । दि॒व्यम् । न॒भः ॥ उ॒द्नः॑ । दि॒व्यस्य॑ । नः । दे॒हि । ई॒शानः॑ ।

वी॒ति॑ । सृ॒ज॒ । दृ॒ति॑म् ॥ ये । दे॒वाः () । दि॒वि॒भा॒गा इति॑
 दि॒वि – भा॒गाः । ये । अ॒न्तरि॑क्षभा॒गा इत्य॑न्तरि॑क्ष – भा॒गाः । ये ।
 पृ॒थि॒वि॒भा॒गा इति॑ पृ॒थि॒वि – भा॒गाः ॥ ते । इ॒मम् । य॒ज्ञम् । अ॒व॒न्तु ।
 ते । इ॒दम् । क्षे॒त्रम् । ए॒ति॑ । वि॒श॒न्तु । ते । इ॒दम् । क्षे॒त्रम् । अ॒नु ।
 वी॒ति॑ । वि॒श॒न्तु ॥ 22 (70) (य॒न्ति – दे॒वा – वि॒श॒तिश्च॑) (A8)

TS 2.4.9.1

मा॒रु॒त॒म॒सि॑ म॒रु॒ता॒मो॒ज इति॑ कृ॒ष्णं वा॑सः कृ॒ष्णतू॑षं परि॑ धत्त॒ ए॒त॒द्वै
 वृ॒ष्ट्यै॑ रू॒पं स॒रूप॑ ए॒व भू॒त्वा प॒र्जन्यं॑ व॒र्ष॒यति॑र॒म॒य॒त म॒रु॒तः
 श्ये॒न॒मा॒यि॒न॒मि॒ति॑ प॒श्चा॒द्वा॒तं प्र॒ति मी॑वति॒ पुरो॑वा॒तमे॒व ज॑नयति
 व॒र्ष॒स्या॒व॒रु॒द्ध्यै॑ वा॒तना॑मानि॒ जु॒होति॑ वा॒युर्वै॑ वृ॒ष्ट्या॑ ई॒शे वा॒युमे॒व
 स्वे॒न भा॒ग॒धे॒ये॒नो॒प धा॑वति॒ स ए॒वा॒स्मै प॒र्जन्यं॑ व॒र्ष॒यत्य॑ष्टौ – [] 23

TS 2.4.9.1 - Padam

मा॒रु॒त॒म् । अ॒सि॑ । म॒रु॒ता॒म् । ओ॒जः । इति॑ । कृ॒ष्णम् । वा॑सः ।
 कृ॒ष्णतू॑षमि॒ति॑ कृ॒ष्ण – तू॒षम् । प॒रीति॑ । ध॒त्ते । ए॒तत् । वै । वृ॒ष्ट्यै॑ ।
 रू॒पम् । स॒रूप॑ इति॑ स – रू॒पः । ए॒व । भू॒त्वा । प॒र्जन्य॑म् ।

व॒र्ष॒य॒ति॑ । र॒म॒य॒त॑ । म॒रु॒तः॑ । श्ये॒नम् । आ॒यि॒नम्॑ । इति॑ ।
 प॒श्चा॒द्वा॒तमि॑ति पश्चात् – वा॒तम् । प्र॒ती॒ति॑ । मी॒व॒ति॑ ।
 पु॒रो॒वा॒तमि॑ति पु॒रः – वा॒तम् । ए॒व । ज॒न॒य॒ति॑ । व॒र्ष॒स्य॑ ।
 अ॒व॒रु॒द्ध्य॑ इत्य॒व – रु॒द्ध्यै॑ । वा॒तना॒मानी॑ति वा॒त – ना॒मानि॑ ।
 जु॒हो॒ति॑ । वा॒युः । वै । वृ॒ष्ट्याः॑ । ई॒शे॑ । वा॒युम् । ए॒व । स्वे॒न॑ ।
 भा॒ग॒धे॒ये॒ने॒ति॑ भा॒ग– धे॒ये॒न॑ । उ॒पे॒ति॑ । धा॒व॒ति॑ । सः । ए॒व । अ॒स्मै॑ ।
 पर्ज॑न्यम् । व॒र्ष॒य॒ति॑ । अ॒ष्टौ । 23 (50)

TS 2.4.9.2

जु॒हो॒ति॑ च॒त॒स्रो॒ वै दि॒शश्च॑त॒स्रोऽवा॑न्त॒रदि॒शा दि॒ग्भ्य॑ ए॒व वृ॒ष्टिं॑
 सं प्र च्या॑व॒यति॑ कृ॒ष्णा॒जि॒ने सं यौ॑ति॒ ह॒वि॒रे॒वाक॑रन्त॒र्वे॒दि सं
 यौ॑त्य॒व॒रु॒द्ध्यै॑ यती॒नाम॑द्य॒माना॑नां शी॒र्षा॒णि प॒राऽप॑तन्ते ख॒र्जू॒रा
 अ॒भ॒वन् तेषां॑ र॒स ऊ॒र्ध्वोऽप॑तत् तानि क॒री॒राण्य॑भ॒वन्त् सौ॒म्यानि॑
 वै क॒री॒रा॒णि सौ॒म्या ख॒लु वा आ॑हु॒ति दि॒वो वृ॒ष्टिं च्या॑व॒यति॑
 यत्क॒री॒रा॒णि भ॑वन्ति – [] 24

TS 2.4.9.2 - Padam

जु॒होति॑ । च॒त॒स्रः॑ । वै । दि॒शः॑ । च॒त॒स्रः॑ । अ॒वा॒न्त॒र॒दि॒शा
इ॒त्य॒वा॒न्त॒र – दि॒शाः॑ । दि॒ग्भ्य॑ इति॑ दिक् – भ्यः॑ । ए॒व । वृ॒ष्टि॑म् ।
सम् । प्रेति॑ । च्या॒व॒य॒ति॑ । कृ॒ष्णा॒जि॒न इति॑ कृष्ण॒-अ॒जि॒ने । स॒मि॒ति॑ ।
यौति॑ । ह॒विः॑ । ए॒व । अ॒कः॑ । अ॒न्त॒र्वे॒दी॒त्य॒न्तः – वे॒दि॑ । स॒मि॒ति॑ ।
यौति॑ । अ॒व॒रु॒द्ध्य॑ इत्य॒व – रु॒द्ध्यै॑ । य॒ती॒नाम् । अ॒द्य॒मा॒ना॒नाम् ।
शी॒र्षा॒णि॑ । प॒रेति॑ । अ॒प॒त॒न् । ते । ख॒र्जू॒राः॑ । अ॒भ॒व॒न् । तेषा॑म् ।
र॒सः॑ । ऊ॒र्ध्वः॑ । अ॒प॒त॒त् । ता॒नि॑ । क॒री॒रा॒णि॑ । अ॒भ॒व॒न् । सौ॒म्या॒नि॑ ।
वै । क॒री॒रा॒णि॑ । सौ॒म्या॑ । ख॒लु॑ । वै । आ॒हु॒ति॒रि॒त्या – हु॒तिः॑ । दि॒वः॑ ।
वृ॒ष्टि॑म् । च्या॒व॒य॒ति॑ । यत् । क॒री॒रा॒णि॑ । भ॒व॒न्ति॑ । 24 (50)

TS 2.4.9.3

सौ॒म्य॒यै॒वाऽऽ*हु॑त्या दि॒वो वृ॒ष्टि॒म॒व रु॒न्धे म॑धु॒षा सं यौ॑त्य॒पां वा॑ ए॒ष
ओ॒ष॒धी॒नाꣳ र॒सो य॑न्म॒ध्व॒द्भ्य॑ ए॒वौष॑धी॒भ्यो व॑र्ष॒त्यथो॑ अ॒द्भ्य
ए॒वौष॑धी॒भ्यो वृ॒ष्टि॒नि न॑यति॒ मा॒न्दा वा॒शा इति॑ सं यौ॑ति॒ नाम॑धे॒यैरे॒वैना॑
अ॒च्छै॒त्यथो॑ यथा॑ ब्रू॒याद॒सा वे॒ही॒त्ये॒वमे॒वैना॑ नाम॑धे॒यैरा॑ – [] 25

TS 2.4.9.3 - Padam

सौ॒म्यया॑ । ए॒व । आ॒हु॒त्ये॒त्या – हु॒त्या । दि॒वः । वृ॒ष्टि॑म् । अ॒वेति॑ ।
रु॒न्धे । म॒धु॒षा । स॒मि॒ति । यौ॒ति । अ॒पाम् । वै । ए॒षः । ओ॒ष॒धी॒नाम् ।
र॒सः । यत् । म॒धु । अ॒द्भ्य इ॒त्यत् – भ्यः । ए॒व । ओ॒ष॒धी॒भ्य
इ॒त्यो॒ष॒धि – भ्यः । व॒र्ष॒ति । अ॒थो इति॑ । अ॒द्भ्य इ॒त्यत् – भ्यः ।
ए॒व । ओ॒ष॒धी॒भ्य इ॒त्यो॒ष॒धि – भ्यः । वृ॒ष्टि॑म् । नी॒ति । न॒यति॑ ।
मा॒न्दाः । वा॒शाः । इति॑ । स॒मि॒ति । यौ॒ति । ना॒म॒धे॒यैरि॑ति॒ नाम॒-धे॒यैः ।
ए॒व । ए॒नाः । अ॒च्छ । ए॒ति । अ॒थो इति॑ । य॒था । ब्रू॒यात् । अ॒सौ ।
ए॒ति । इ॒हि । इति॑ । ए॒वम् । ए॒व । ए॒नाः । ना॒म॒धे॒यैरि॑ति॒ नाम॒-धे॒यैः ।
ए॒ति । 25 (50)

TS 2.4.9.4

च्चा॒वय॑ति॒ वृ॒ष्णो अ॒श्वस्य॑ स॒न्दा॒न॒म॒सि वृ॒ष्ट्यै॑ त्वो॒प न॒ह्यामी॑त्या॒ह
वृ॒षा वा अ॒श्वो वृ॒षा प॒र्जन्यः॑ कृ॒ष्ण इ॒व ख॒लु वै भू॒त्वा व॒र्षति॑
रू॒पेणै॒वैन॑ꣳ स॒मर्द्ध॑यति॒ व॒र्ष॒स्याव॑रुद्ध्यै ॥ 26

TS 2.4.9.4 - Padam

च्यावयति । वृ॒ष्णः । अ॒श्वस्य । स॒न्दानमि॑ति सं – दान॑म् ।
अ॒सि । वृ॒ष्ट्यै ॥ त्वा । उपे॑ति । न॒ह्यामि । इति॑ । आ॒ह । वृ॒षा । वै ।
अ॒श्वः । वृ॒षा ॥ पर्ज॑न्यः । कृ॒ष्णः । इ॒व । खलु॑ । वै । भू॒त्वा ।
व॒र्ष॒ति । रू॒पेण॑ । ए॒व । ए॒नम् । समि॑ति । अ॒र्द्धय॑ति ।
व॒र्ष॒स्य । अ॒वरु॑द्ध्य॒ इत्य॑व – रु॒द्ध्यै ॥ 26 (29)

(अष्टौ – भव॑न्ति – नाम॑धेयैरै – कान्न॑त्रि॒ंशच्च॑) (A9)

TS 2.4.10.1

दे॒वा वस॑व्या दे॒वाः शर्म॑ण्या दे॒वाः स॒पीत॑य इत्या ब॒द्ध्ना॑ति
दे॒वता॑भिरे॒वान्व॑हं वृ॒ष्टिमि॑च्छति यदि व॒र्षेत् ता॑वत्ये॒व हो॑तव्यं यदि
न व॒र्षेच्छ॑वो भू॒ते ह॒विर्निर्व॑पेदहो॒रात्रे॒ वै मि॒त्राव॑रुणावहो॒रात्राभ्यां
खलु॑ वै पर्ज॑न्यो व॒र्ष॒ति नक्तं॑ वा हि दि॒वा वा व॒र्ष॒ति मि॒त्राव॑रुणावे॒व
स्वेन॑ भा॒गधे॑येनोप॑ धावति तावे॒वास्मा – [] 27

TS 2.4.10.1 - Padam

दे॒वाः । वस॑व्याः । दे॒वाः । शर्म॑ण्याः । दे॒वाः । स॒पीत॑य इति
स – पी॒तयः॑ । इति॑ । एति॑ । ब॒द्ध्ना॑ति । दे॒वता॑भिः । ए॒व ।

अ॒न्व॒ह॒मि॒त्य॒नु॒ – अ॒ह॒म् । वृ॒ष्टि॑म् । इ॒च्छ॒ति॒ । य॒दि॒ । व॒र्षे॑त् ।
ता॒व॒ति॒ । ए॒व । हो॒त॒व्य॑म् । य॒दि॒ । न । व॒र्षे॑त् । श्वः॑ । भू॒ते॒ । ह॒विः॑ ।
नि॒रि॒ति॒ । व॒पे॒त् । अ॒हो॒रा॒त्रे॒ इ॒त्य॒हः॑ – रा॒त्रे॒ । वै । मि॒त्रा॒व॒रु॒णा॒वि॒ति॒
मि॒त्रा – व॒रु॒णौ॑ । अ॒हो॒रा॒त्रा॒भ्या॒मि॒त्य॒हः॑ – रा॒त्रा॒भ्या॑म् ।
ख॒लु॒ । वै । प॒र्ज॒न्यः॑ । व॒र्ष॒ति॒ । न॒क्त॑म् । वा॒ । हि॒ । दि॒वा॑ । वा॒ ।
व॒र्ष॒ति॒ । मि॒त्रा॒व॒रु॒णा॒वि॒ति॒ मि॒त्रा – व॒रु॒णौ॑ । ए॒व । स्वे॒न॑ ।
भा॒ग॒धे॒ये॒ने॒ति॒ भा॒ग – धे॒ये॒न॑ । उ॒पे॒ति॒ । धा॒व॒ति॒ । तौ॒ ।

ए॒व । अ॒स्मै॒ । 27 (50)

TS 2.4.10.2

अ॒हो॒रा॒त्रा॒भ्यां॑ प॒र्ज॒न्यं॑ व॒र्ष॒य॒तो॒ऽग्न॑ये॒ धा॒म॒च्छ॒दे॒ पु॒रो॒डा॒श॑म॒ष्टा॒क॑पा॒लं
नि॒र्व॒पे॒न्मा॒रु॒त॑ꣳ स॒प्त॑क॒पा॒लꣳ सौ॒र्य॑मे॒क॑क॒पा॒ल॑म॒ग्नि॒र्वा॒ इ॒तो॒
वृ॒ष्टि॑मु॒दी॒रय॑ति म॒रु॒तः॑ सृ॒ष्टां॑ न॒य॒न्ति॒ य॒दा॒ ख॒लु॒ वा॒ अ॒सा॒वा॒दि॒त्यो
न्य॒ङ् र॒श्मि॑भिः॒ पर्या॑व॒र्त॒ते॒ऽथ॑व॒र्ष॒ति॒धा॒म॒च्छ॒दि॒व॒ ख॒लु॒ वै॒ भू॒त्वा
व॒र्ष॒त्ये॒ता॒ वै॒ दे॒व॒ता॒ वृ॒ष्ट्या॑ ई॒श॒ते॒ ता॒ ए॒व॒ स्वे॒न॑ भा॒ग॒धे॒ये॒नो॒प
धा॒व॒ति॒ ता – [] 28

TS 2.4.10.2 - Padam

अ॒हो॒रा॒त्रा॒भ्या॒मि॒त्य॒हः॑-रा॒त्रा॒भ्या॒म् । प॒र्जन्य॑म् । व॒र्ष॒य॒तः॑ । अ॒ग्नये॑ ।
धा॒म॒च्छ॒द इति॑ धा॒म - छ॒दै॑ । पु॒रो॒डा॒शम् ।
अ॒ष्टा॒क॒पा॒ल॒मि॒त्य॒ष्टा - क॒पा॒ल॒म् । नि॒रि॒ति॑ । व॒पे॒त् । मा॒रु॒तम् ।
स॒प्त॒क॒पा॒ल॒मि॒ति स॒प्त - क॒पा॒ल॒म् । सौ॒र्य॒म् ।
ए॒क॒क॒पा॒ल॒मि॒त्ये॒क - क॒पा॒ल॒म् । अ॒ग्निः॑ । वै । इ॒तः॑ । वृ॒ष्टि॑म् ।
उ॒दि॒ति॑ । ई॒र॒य॒ति॑ । म॒रु॒तः॑ । सृ॒ष्टा॒म् । न॒य॒न्ति॑ । य॒दा । ख॒लु॑ । वै ।
अ॒सौ । आ॒दि॒त्यः॑ । न्य॒ङ् । र॒श्मि॒भि॒रि॒ति॑ र॒श्मि - भिः॑ ।
प॒र्या॒व॒र्त॒त इति॑ प॒रि - आ॒व॒र्त॒ते॑ । अ॒थ । व॒र्ष॒ति॑ । धा॒म॒च्छ॒दि॒ति॑
धा॒म - छ॒त् । इ॒व । ख॒लु॑ । वै । भू॒त्वा । व॒र्ष॒ति॑ । ए॒ताः॑ । वै ।
दे॒व॒ताः॑ । वृ॒ष्ट्याः॑ । ई॒श॒ते॑ । ताः॑ । ए॒व । स्वे॒न॑ ।
भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॑ । ताः॑ । 28 (50)

TS 2.4.10.3

ए॒वा॒स्मै॑ प॒र्जन्यं॑ व॒र्ष॒य॒न्त्यु॒ता॒व॒र्षि॒ष्यन्॑ व॒र्ष॒त्ये॒व सृ॒जा वृ॒ष्टिं॑ दि॒व
आ*ऽद्भिः॑ स॒मु॒द्रं पृ॒णे॒त्या॒हे॒माश्चै॒वामू॒श्चापः॑ स॒म॒र्द्ध॒य॒त्यथो॑ आ॒भि॒रे॒वा-

मूर॑च्छै॒त्य॒ब्जा॑ अ॒सि॑ प्रथ॒म॒जा॑ बल॒म॒सि॑ स॒मु॒द्रि॒य॒मि॒त्या॒ह॑
यथा॑य॒जु॒रे॒वै॒तदु॒न्नं॑ भय॒ पृ॒थि॒वी॒मि॒ति॑ व॒र्षा॒ह्वां॑ जु॒हो॒त्ये॒षा॒ वा ()
ओष॑धी॒नां॑ वृ॒ष्टि॒व॒नि॒स्त॒यै॒व॒ वृ॒ष्टि॒मा॑ च्या॒व॒य॒ति॒ ये॒ दे॒वा॒ दि॒वि॒भा॒गा॒ इति॑
कृ॒ष्णा॒जि॒न॒म॒व॒ धू॒नो॒ती॒म॒ ए॒वा॒स्मै॑ लो॒काः॑ प्री॒ता॒ अ॒भी॒ष्टा॑ भव॒न्ति॑ ॥ 29

TS 2.4.10.3 - Padam

ए॒व । अ॒स्मै॑ । प॒र्जन्य॑म् । व॒र्ष॒य॒न्ति॑ । उ॒त । अ॒व॒र्षि॑ष्यन् ।
व॒र्ष॒ति॑ । ए॒व । सृ॒ज॑ । वृ॒ष्टि॒म् । दि॒वः॑ । ए॒ति॑ । अ॒द्भिरि॑त्यत् – भिः ।
स॒मु॒द्र॒म् । पृ॒ण॑ । इति॑ । आ॒ह॑ । इ॒माः॑ । च॒ । ए॒व । अ॒मूः॑ । च॒ ।
अ॒पः॑ । स॒मि॒ति॑ । अ॒र्द्ध॒य॒ति॑ । अथो॒ इति॑ । आ॒भिः॑ । ए॒व । अ॒मूः॑ ।
अ॒च्छ॑ । ए॒ति॑ । अ॒ब्जा॑ इत्यप् – जाः । अ॒सि॑ । प्रथ॒म॒जा॑ इति॑
प्रथ॒म॒ – जाः॑ । ब॒ल॒म् । अ॒सि॑ । स॒मु॒द्रि॒य॒म् । इति॑ । आ॒ह॑ ।
यथा॑य॒जु॒रि॒ति॑ यथा – य॒जुः॑ । ए॒व । ए॒तत् । उ॒दि॒ति॑ । न॒भ॒य॑ ।
पृ॒थि॒वी॒म् । इति॑ । व॒र्षा॒ह्वा॒मि॒ति॑ व॒र्ष॒ – ह्वा॒म् । जु॒हो॒ति॑ । ए॒षा॑ ।
वै () । ओष॑धी॒नाम् । वृ॒ष्टि॒व॒नि॒रि॒ति॑ वृ॒ष्टि॒ – व॒निः॑ । त॒या॑ । ए॒व ।

वृष्टि॑म् । ए॒ति । च्या॒व॒य॒ति॑ । ये । दे॒वाः । दि॒वि॒भा॒गा इति॑
दि॒वि – भा॒गाः । इति॑ । कृ॒ष्णा॒जि॒नमि॑ति॒ कृष्ण॑ – अ॒जि॒नम् ।
अवे॑ति । धू॒नो॒ति । इ॒मे । ए॒व । अ॒स्मै । लो॒काः । प्री॒ताः ।
अ॒भी॒ष्टा इत्य॑भि – इ॒ष्टाः । भव॑न्ति ॥ 29 (71)

(अ॒स्मै – धा॒व॒ति॑ ता – वा – ए॒क॒वि॒ंश॒तिश्च॑) (A10)

TS 2.4.11.1

सर्वा॑णि छन्दा॑स्ये॒तस्या॑-मि॒ष्ट्या-म॒नू॒च्यानी॑त्याहु-स्त्रि॒ष्टुभो॑ वा
ए॒तद्दी॒र्यं यत् क॒कु॒दु॒ष्णिहा॑ जग॑त्यै यदु॒ष्णिह॑क॒कु॒भा॒वन्वा॑ह
तेनै॒व सर्वा॑णि छन्दा॑स्य॒व रु॒न्धे गा॒य॒त्री वा ए॒षा यदु॒ष्णिहा॑
या॒नि च॒त्वार्य॑द्ध्य॒क्षरा॑णि चतु॑ष्पाद ए॒व ते प॒श॒वो॒यथा॑ पु॒रो॒डाशे॑
पु॒रो॒डाशो॑ऽद्ध्ये॒वमे॒व तद्-यद्-ऋ॒च्यद्ध्य॒क्षरा॑णि यज्जग॑त्या – [] 30

TS 2.4.11.1 - Padam

सर्वा॑णि । छन्दा॑सि॒ । ए॒तस्या॑म् । इ॒ष्ट्या॑म् ।
अ॒नू॒च्यानी॑त्यनु – उ॒च्या॒नि । इति॑ । आ॒हुः । त्रि॒ष्टु॒भः । वै । ए॒तत् ।
वी॒र्य॑म् । यत् । क॒कु॒त् । उ॒ष्णिहा॑ । जग॑त्यै । यत् ।

उ॒ष्णि॒ह॒क॒कु॒भा॒वित्यु॒ष्णि॒ह – क॒कु॒भौ॑ । अ॒न्वा॒हे॒त्यनु॑ – आ॒ह । ते॒न ।
ए॒व । सर्वा॑णि । छ॒न्दा॑सि । अ॒वे॒ति । रु॒न्धे । गा॒य॒त्री । वै । ए॒षा ।
यत् । उ॒ष्णि॒हा॑ । या॒नि । च॒त्वा॒रि । अधी॑ति । अ॒क्ष॒रा॒णि । च॒तु॒ष्पा॒द
इति॑ च॒तुः – पा॒दः । ए॒व । ते । प॒श॒वः । य॒था॑ । पु॒रो॒डा॒शः॑ ।
पु॒रो॒डा॒शः॑ । अधी॑ति । ए॒वम् । ए॒व । तत् । यत् । ऋ॒चि । अधी॑ति ।
अ॒क्ष॒रा॒णि । यत् । ज॒ग॒त्या । 30 (50)

TS 2.4.11.2

परि॑द॒ध्या॒दन्तं॑ य॒ज्ञं ग॑मयेत् त्रि॒ष्टु॒भा परि॑ दधातीन्द्रि॒यं वै॑ वी॒र्यं॑
त्रि॒ष्टु॒गिन्द्रि॒य ए॒व वी॒र्यं॑ य॒ज्ञं प्रति॑ ष्ठापयति नान्तं॑ गमयत्यग्ने॒
त्री ते॑ वा॒जि॒ना त्री॑ ष॒ध॒स्थेति॑ त्रि॒व॒त्या परि॑ दधाति स॒रूप॑त्वाय
सर्वो॑ वा ए॒ष य॒ज्ञो यत् त्रै॑धा॒त॒वी॒यं का॒मा॒य॒का॒मा॒य प्र॑ यु॒ज्यते॑
सर्वे॑भ्यो॒ हि का॒मे॑भ्यो॒ य॒ज्ञः प्र॑यु॒ज्यते॑ त्रै॒धा॒त॒वी॒येन॑ यजेताभि॒चर॑न्थ्
सर्वो॑ वा – [] 31

TS 2.4.11.2 - Padam

परि॒द॒ध्या॒दि॒ति॒ परि॒-द॒ध्यात् । अ॒न्तम् । य॒ज्ञम् । ग॒म॒येत् । त्रि॒ष्टु॒भा॒ ।
परी॒ति॒ । द॒धा॒ति॒ । इ॒न्द्रि॒यम् । वै । वी॒र्य॑म् । त्रि॒ष्टुक् । इ॒न्द्रि॒ये । ए॒व ।
वी॒र्य॑ । य॒ज्ञम् । प्र॒ती॒ति॒ । स्था॒प॒य॒ति॒ । न । अ॒न्तम् । ग॒म॒य॒ति॒ ।
अ॒ग्ने॑ । त्री॒ । ते॒ । वा॒जि॒ना॒ । त्री॒ । स॒ध॒स्थे॒ति॒ स॒ध॒ - स्था॒ । इ॒ति॒ ।
त्रि॒व॒त्ये॒ति॒ त्रि॒ - व॒त्या॒ । परी॒ति॒ । द॒धा॒ति॒ । स॒रूप॑त्वायेति
स॒रूप॑ - त्वा॒य॒ । स॒र्वः॑ । वै । ए॒षः । य॒ज्ञः । यत् । त्रै॒धा॒त॒वी॒र्य॑म् ।
का॒मा॒य॒का॒मा॒ये॒ति॒ का॒मा॒य॒ - का॒मा॒य॒ । प्रे॒ति॒ । यु॒ज्य॒ते॒ । स॒र्वे॑भ्यः ।
हि॒ । का॒मे॑भ्यः । य॒ज्ञः । प्र॒यु॒ज्य॒त॒ इति॑ प्र - यु॒ज्य॒ते॒ । त्रै॒धा॒त॒वी॒र्ये॑न ।
य॒जे॒त॒ । अ॒भि॒च॒र॒न्नि॒त्य॒भि॒ - च॒र॒न् । स॒र्वः॑ । वै । 31 (50)

TS 2.4.11.3

ए॒ष॒ य॒ज्ञो॒ यत् त्रै॒धा॒त॒वी॒र्य॑ꣳ स॒र्वे॑णै॒वैनं॑ य॒ज्ञे॒ना॒भि॒ च॒र॒ति॒ स्तृ॒णु॒त
ए॒वैन॑मे॒तयै॑व य॒जे॒ता॒भि॒च॒र्य॑माणः स॒र्वो॒ वा ए॒ष॒ य॒ज्ञो॒ यत् त्रै॒धा॒त॒वी॒र्य॑ꣳ
स॒र्वे॑णै॒व य॒ज्ञे॒न॑ य॒ज॒ते॒ नैन॑म॒भि॒च॒र॒न्त् स्तृ॒णु॒त ए॒तयै॑व य॒जे॒त॒ स॒हस्रे॑ण

य॒क्ष्य॑मा॒णः प्र॒जा॒त॒मे॒वैन॑द्-द॒दा॒त्ये॒त॒यै॒व य॑जेत स॒ह॒स्रे॑णे॒जा॒नोऽन्तं॑ वा
ए॒ष प॒शूनां॑ ग॒च्छ॒ति - [] 32

TS 2.4.11.3 - Padam

ए॒षः । य॒ज्ञः । यत् । त्रै॒धा॒त॒वी॒यम् । स॒र्वे॒ण । ए॒व । ए॒नम् । य॒ज्ञे॒न ।
अ॒भी॒ति॑ । च॒र॒ति॑ । स्तृ॒णु॒ते । ए॒व । ए॒नम् । ए॒तया॑ । ए॒व । य॒जे॒त ।
अ॒भि॒च॒र्य॑मा॒ण इ॒त्य॒भि-च॒र्य॑मा॒णः । स॒र्वः । वै । ए॒षः । य॒ज्ञः । यत् ।
त्रै॒धा॒त॒वी॒यम् । स॒र्वे॒ण । ए॒व । य॒ज्ञे॒न । य॒ज॒ते । न । ए॒नम् ।
अ॒भि॒च॒र॒न्नि॒त्य॒भि - च॒र॒न् । स्तृ॒णु॒ते । ए॒तया॑ । ए॒व । य॒जे॒त ।
स॒ह॒स्रे॑ण । य॒क्ष्य॑मा॒णः । प्र॒जा॒त॒मि॒ति प्र - जा॒तम् । ए॒व । ए॒नत् ।
द॒दा॒ति॑ । ए॒तया॑ । ए॒व । य॒जे॒त । स॒ह॒स्रे॑ण । ई॒जा॒नः । अ॒न्तम् । वै ।
ए॒षः । प॒शूना॑म् । ग॒च्छ॒ति । 32 (50)

TS 2.4.11.4

यः स॒ह॒स्रे॑ण य॒ज॒ते प्र॒जा॒प॒तिः ख॒लु वै प॒शू॒न॒सृ॒ज॒त ता॑स्त्रै॒धा॒त॒वी॒र्ये-
नै॒वा॒सृ॒ज॒त य॒ एवं वि॒द्वास्त्रै॒धा॒त॒वी॒र्ये॒न प॒शु॒का॒मो य॒ज॒ते यस्मा॑दे॒व
यो॒नैः प्र॒जा॒प॒तिः प॒शू॒न॒सृ॒ज॒त तस्मा॑दे॒वै॒रान्थ् सृ॒ज॒त उपै॑न॒मु॒त्तर॑

स॒हस्रं॑ न॒मति॑ दे॒वता॑भ्यो वा ए॒ष आ वृ॑श्च्यते यो य॒क्ष्य इत्यु॑क्त्वा न
यज॑ते त्रैधा॒तवी॑येन यजेत॑ सर्वो॑ वा ए॒ष य॒ज्ञो – [] 33

TS 2.4.11.4 - Padam

यः । स॒हस्रे॑ण । यज॑ते । प्र॒जाप॑तिरिति॑ प्र॒जा – प॒तिः । खलु॑ । वै ।
प॒शून् । अ॒सृज॑त । तान् । त्रैधा॒तवी॑येन । ए॒व । अ॒सृज॑त ।
यः । ए॒वम् । वि॒द्वान् । त्रैधा॒तवी॑येन । प॒शुकाम॑ इति॑ प॒शु – का॒मः ।
यज॑ते । यस्मा॑त् । ए॒व । यो॒नैः । प्र॒जाप॑तिरिति॑ प्र॒जा-प॒तिः । प॒शून् ।
अ॒सृज॑त । तस्मा॑त् । ए॒व । ए॒नान् । सृ॒जते॑ । उ॒पेति॑ । ए॒नम् ।
उ॒त्तर॑मित्युत् – त॒रम् । स॒हस्र॑म् । न॒मति॑ । दे॒वता॑भ्यः । वै । ए॒षः ।
ए॒ति । वृ॑श्च्यते । यः । य॒क्ष्ये । इति॑ । उ॒क्त्वा । न । यज॑ते ।
त्रैधा॒तवी॑येन । यजेत॑ । सर्वः॑ । वै । ए॒षः । य॒ज्ञः । 33 (50)

TS 2.4.11.5

यत् त्रैधा॒तवी॑यं सर्वे॑णैव य॒ज्ञेन॑ यज॑ते न दे॒वता॑भ्य आ वृ॑श्च्यते
द्वा॒दश॑कपालः पु॒रोडा॑शो भवति॑ ते त्रय॑श्चतु॒ष्कपा॑ला-स्त्रि॒ष्वमृ॑द्धत्वाय
त्रयः॑ पु॒रोडा॑शा भवन्ति॑ त्रय॑ इ॒मे लो॒का ए॒षां लो॒काना॑माप्स्या

उत्तर॑उत्तरो॑ ज्या॒या॒न् भव॑त्ये॒वमि॒व ही॒मे लो॒का यव॑मयो॒ मद्ध्य॑ ए॒तद्वा
अन्तरि॑क्षस्य॒ रूप॑ꣳ समृ॑द्ध्यै॒ सर्वे॑षामभि॒गम॑यन्न॒व द्य॒त्यच्छं॑ बट्कारꣳ
हिरण्यं॑ ददाति॒ तेज॑ ए॒वा – [] 34

TS 2.4.11.5 - Padam

यत् । त्रै॒धा॒तवी॒यम् । सर्वे॑ण । ए॒व । य॒ज्ञेन॑ । य॒ज॒ते । न ।
दे॒वता॑भ्यः । ए॒ति । वृ॒श्च॒य॒ते । द्वा॒द॒श॒क॒पा॒ल इति॑ द्वा॒द॒श-क॒पा॒लः ।
पु॒रो॒डा॒शः । भ॒व॒ति । ते । त्र॒यः । च॒तु॒ष्क॒पा॒ला इति॑ च॒तुः-क॒पा॒लाः ।
त्रि॒ष्व॒मृ॒द्ध॒त्वा॒येति॑ त्रि॒ष्व॒मृ॒द्ध - त्वा॒य । त्र॒यः । पु॒रो॒डा॒शाः ।
भ॒व॒न्ति । त्र॒यः । इ॒मे । लो॒काः । ए॒षाम् । लो॒का॒ना॒म् । आ॒प्त्यै॑ ।
उत्तर॑उत्तर इत्युत्तरः -उत्तरः । ज्या॒या॒न् । भ॒व॒ति । ए॒वम् । इ॒व । हि ।
इ॒मे । लो॒काः । य॒व॒म॒य इति॑ य॒व - म॒यः । मद्ध्यै॑ । ए॒तत् । वै ।
अन्तरि॑क्षस्य । रू॒पम् । समृ॑द्ध्य॒ इति॑ सं - ऋ॒द्ध्यै॑ । सर्वे॑षाम् ।
अ॒भि॒ग॒म॒य॒न्नित्य॑भि - ग॒म॒य॒न् । अ॒वे॒ति । द्य॒ति ।
अ॒च्छं॑ बट्कारमित्यच्छं॑ बट् - का॒रम् । हि॒र॒ण्य॒म् । द॒दा॒ति ।
तेजः॑ । ए॒व । 34 (50)

TS 2.4.11.6

ॐ रु॒न्धे ता॒र्प्यं द॑दाति प॒शू॒ने॒वा॒व रु॒न्धे धे॒नुं द॑दा॒त्याशि॑ष
ए॒वा॒व रु॒न्धे सा॒म्नो वा ए॒ष वर्णो॑ यद्वि॒रण्यं य॑जुषां ता॒र्प्यमु॑क्था॒म॒दानां॑
धे॒नुरे॒ताने॒व सर्वा॑न् वर्णा॒न॒व रु॒न्धे ॥ 35

TS 2.4.11.6 - Padam

अ॒वेति॑ । रु॒न्धे । ता॒र्प्यम् । द॑दाति । प॒शून् । ए॒व । अ॒वेति॑ ।
रु॒न्धे । धे॒नुम् । द॑दाति । आ॒शि॒ष इ॒त्या – शि॒षः । ए॒व । अ॒वेति॑ ।
रु॒न्धे । सा॒म्नः । वै । ए॒षः । वर्णः॑ । यत् । हि॒रण्यम् । य॑जुषाम् ।
ता॒र्प्यम् । उ॒क्था॒म॒दाना॑मित्यु॒क्थ – म॒दाना॑म् । धे॒नुः । ए॒तान् । ए॒व ।
सर्वा॑न् । वर्णा॒न् । अ॒वेति॑ । रु॒न्धे ॥ 35 (30)

(जग॑त्या – ऽभि॒चर॑न्त् सर्वो॑ वै – ग॑च्छति – य॒ज्ञ – स्तेज॑ ए॒व –
त्रि॒ंशच्च॑) (A11)

TS 2.4.12.1

त्व॒ष्टा ह॑तपु॒त्रो वी॒न्द्रो सो॒ममा॑ह॒रत् तस्मि॒न्निन्द्र॑ उप॒हव॑मै॒च्छत॑
तं नो॒पा॒ह्वय॑त पु॒त्रं मे॒ऽवधी॑रिति स य॒ज्ञवे॑शसं कृ॒त्वा प्रा॒सहा
सो॒मम॑पिबत् तस्य यद॒त्यशि॑ष्यत तत् त्व॒ष्टाऽऽह॑वनी॒यमु॒प प्रा॑वर्तयथ्

स्वा॒हे॒न्द्र॒श॒त्रु॒र्व॒र्द्ध॒स्वेति॒ स याव॑दूर्ध्वः॒ परा॒वि॒द्ध्यति॒ ताव॑ति स्व॒यमे॒व
व्य॒र॒मत॒ यदि॑ वा तावत् प्रव॑ण – [] 36

TS 2.4.12.1 - Padam

त्व॒ष्टा । ह॒त॒पु॒त्र इति॑ ह॒त – पु॒त्रः । वी॒न्द्र॒मि॒ति वि – इ॒न्द्रम् ।
सोम॑म् । ए॒ति । अ॒हर॒त् । तस्मि॑न् । इ॒न्द्रः । उ॒प॒ह॒व॒मि॒त्यु॒प-ह॒वम् ।
ऐ॒च्छ॒त । तम् । न । उ॒पे॒ति । अ॒ह्व॒य॒त । पु॒त्रम् । मे । अ॒व॒धीः ।
इति॑ । सः । य॒ज्ञ॒वे॒श॒स॒मि॒ति य॒ज्ञ – वे॒श॒सम् । कृ॒त्वा ।
प्रा॒स॒हे॒ति प्र – स॒हा । सोम॑म् । अ॒पि॒ब॒त् । तस्य॑ । यत् ।
अ॒त्य॒शि॒ष्य॒ते॒त्य॒ति – अ॒शि॒ष्य॒त । तत् । त्व॒ष्टा ।
आ॒ह॒व॒नी॒य॒मि॒त्या – ह॒व॒नी॒य॒म् । उ॒प । प्रे॒ति । अ॒व॒र्त॒य॒त् । स्वा॒हा ।
इ॒न्द्र॒श॒त्रु॒रि॒ती॒न्द्र – श॒त्रुः । व॒र्द्ध॒स्व । इति॑ । सः । याव॑त् । ऊ॒र्ध्वः ।
परा॒वि॒द्ध्य॒ती॒ति परा – वि॒द्ध्य॒ति । ताव॑ति । स्व॒यम् । ए॒व । वी॒ति ।
अ॒र॒मत॒ । यदि॑ । वा । तावत् । प्र॒व॒ण॒मि॒ति प्र – व॒नम् । 36 (50)

TS 2.4.12.2

–मासी॑द्यदि॑ वा॒ ताव॑द॒ध्यग्ने॑रासी॒त् स सं॑भव॒न्नग्नी॑षोमा॒वभि॑
सम॑भव॒त् स इ॒षुमा॑त्रमि॒षुमा॑त्रं वि॒ष्वडु॑वर्द॒धत॑ स इ॒मान्
लो॒कान॑वृ॒णोद्य॑दि॒मान् लो॒कान॑वृ॒णोत् तद्–वृ॒त्रस्य॑
वृ॒त्रत्वं॑ तस्मा॑दिन्द्रो॒ऽबिभे॑दपि॒ त्वष्टा॑ तस्मै॒ त्वष्टा॑ वज्र॑मसिञ्च॒त् तपो॑
वै स वज्र॑ आसी॒त् तमु॑द्यन्तुं॒ नाश॑क्नो॒दथ॑ वै तर्हि॒ विष्णु॑ – [] 37

TS 2.4.12.2 - Padam

आसी॑त् । यदि॑ । वा॒ । ताव॑त् । अधी॑ति । अग्नेः॑ । आसी॑त् । सः ।
सं॑भव॒न्निति॑ सं – भव॑न् । अग्नी॑षोमा॒वित्यग्नी॑ – सोमौ॑ । अ॒भि ।
समि॑ति । अ॒भव॑त् । सः । इ॒षुमा॑त्रमि॒षुमा॑त्रमि॒तीषु॑मा॒त्रं – इ॒षुमा॑त्रम् ।
वि॒ष्वडु॑ । अ॒वर्द॑धत । सः । इ॒मान् । लो॒कान् । अ॒वृ॒णोत् । यत् ।
इ॒मान् । लो॒कान् । अ॒वृ॒णोत् । तत् । वृ॒त्रस्य॑ । वृ॒त्रत्वमि॑ति
वृ॒त्र – त्वम् । तस्मा॑त् । इन्द्रः॑ । अ॒बिभे॑त् । अपी॑ति । त्वष्टा॑ । तस्मै॑ ।
त्वष्टा॑ । वज्र॑म् । अ॒सिञ्च॑त् । तपः॑ । वै । सः । वज्रः॑ । आसी॑त् ।

तम् । उद्यन्तु॑मित्युत् – यन्तु॑म् । न । अ॒श॒क्नो॑त् । अथ॑ । वै ।

तर्हि॑ । विष्णुः॑ । 37 (50)

TS 2.4.12.3

–र॒न्या दे॒वता॑ ऽसी॒त् सोऽब्र॑वी॒द्–वि॒ष्णवे॑ही॒दमा॑ ह॒रि॒ष्या॒वो
येना॒यमि॒दमि॒तिस॑ वि॒ष्णुस्त्रे॑धाऽऽत्मा॒नं वि॒न्य॑धत्त पृ॒थि॒व्यां तृ॒तीय॑म॒न्तरि॑क्षे
तृ॒तीयं॑ दि॒वि तृ॒तीय॑–म॒भिपर्या॑वर्ताद्–ध्य॒बिभे॑द्यत्–पृ॒थि॒व्यां
तृ॒तीय॑मासीत् तेनेन्द्रो॑ वज्र॒मुद॑यच्छद्–वि॒ष्णव॑नु॒स्थितः॑ सोऽब्र॑वी॒न्मा
मे प्र॑ हा॒रस्ति॒ वा इ॒दं – [] 38

TS 2.4.12.3 - Padam

अ॒न्या । दे॒वता॑ । आ॒सीत् । सः । अ॒ब्र॒वीत् । वि॒ष्णो॑ । ए॒ति । इ॒हि ।
इ॒दम् । ए॒ति । ह॒रि॒ष्या॒वः । येन॑ । अ॒यम् । इ॒दम् । इ॒ति । सः ।
वि॒ष्णुः । त्रे॒धा । आ॒त्मा॒नम् । वि । नी॒ति । अ॒धत्त॑ । पृ॒थि॒व्याम् ।
तृ॒तीयम् । अ॒न्तरि॑क्षे । तृ॒तीयम् । दि॒वि । तृ॒तीयम् ।
अ॒भिपर्या॑वर्तादित्य॒भि – पर्या॑वर्तात् । हि । अ॒बिभे॑त् । यत् ।
पृ॒थि॒व्याम् । तृ॒तीयम् । आ॒सीत् । तेन॑ । इन्द्रः॑ । वज्र॑म् ।

उ॒दि॒ति॒ । अ॒य॒च्छ॒त् । वि॒ष्णु॒व॒नु॒स्थि॒त॒ इति॒ वि॒ष्णु॒ – अ॒नु॒स्थि॒तः॒ । सः॒ ।
अ॒ब्र॒वी॒त् । मा॒ । मे॒ । प्रेति॑ । हाः॒ । अ॒स्ति॑ । वै । इ॒दम् । 38 (50)

TS 2.4.12.4

म॒यि॒ वी॒र्यं॑ तत् ते॒ प्र दा॒स्यामी॒ति॒ तद॒स्मै॒ प्राय॑च्छत् तत् प्रत्य॑गृह्णा॒दधा॑
मेति॑ तद्-वि॒ष्णवे॑ति॒ प्राय॑च्छत् तद्-वि॒ष्णुः॒ प्रत्य॑गृह्णा-द॒स्मास्वि॑न्द्र
इन्द्रि॑यं दधा॒त्विति॑ यद॒न्तरि॑क्षे तृती॑यमासीत् तेनेन्द्रो॑ वज्र॒मुद॑यच्छद्-
वि॒ष्णु॒व॒नु॒स्थि॒तः॒ सोऽब्र॑वीन्मा मे॒ प्र हा॒रस्ति॑ वा इ॒दं – [] 39

TS 2.4.12.4 - Padam

म॒यि॒ । वी॒र्यम्॑ । तत् । ते॒ । प्रेति॑ । दा॒स्यामि॑ । इति॑ । तत् । अ॒स्मै॒ ।
प्रेति॑ । अ॒य॒च्छ॒त् । तत् । प्रतीति॑ । अ॒गृह्णा॒त् । अधाः॑ । मा॒ । इति॑ ।
तत् । वि॒ष्णवे॑ । अति॑ । प्रेति॑ । अ॒य॒च्छ॒त् । तत् । वि॒ष्णुः॒ । प्रतीति॑ ।
अ॒गृह्णा॒त् । अ॒स्मासु॑ । इन्द्रः॑ । इन्द्रि॑यम् । दधा॒तु॒ । इति॑ । यत् ।
अ॒न्तरि॑क्षे । तृती॑यम् । आसीत्॑ । तेन॑ । इन्द्रः॑ । वज्रम्॑ । उ॒दि॒ति॒ ।
अ॒य॒च्छ॒त् । वि॒ष्णु॒व॒नु॒स्थि॒त॒ इति॒ वि॒ष्णु॒ – अ॒नु॒स्थि॒तः॒ । सः॒ ।
अ॒ब्र॒वी॒त् । मा॒ । मे॒ । प्रेति॑ । हाः॒ । अ॒स्ति॑ । वै । इ॒दम् । 39 (50)

TS 2.4.12.5

मयि॑ वी॒र्यं॑ तत् ते॒ प्र दा॑स्यामीति॒ तदस्मै॑ प्रायच्छत् तत् प्रत्यगृह्णाद्
द्विर्मा॑ऽधा इति॒ तद्-विष्णवे॑ऽति प्रायच्छत् तद्-विष्णुः॑
प्रत्यगृह्णादस्मास्विन्द्र॑ इन्द्रियं॑ दधात्विति॒ यद्विवि॑ तृतीयमासीत्
तेनेन्द्रो॑ वज्रमुदयच्छद्-विष्व॑वनुस्थितः॒ सोऽब्र॑वीन्मा मे

प्र हार्ये॑नाह – [] 40

TS 2.4.12.5 - Padam

मयि॑ । वी॒र्यम्॑ । तत् । ते॒ । प्रेति॑ । दा॒स्यामि॑ । इति॑ । तत् । अ॒स्मै ।
प्रेति॑ । अ॒यच्छत्॑ । तत् । प्रतीति॑ । अ॒गृह्णात् । द्विः । मा । अ॒धाः ।
इति॑ । तत् । विष्णवे॑ । अति॑ । प्रेति॑ । अ॒यच्छत्॑ । तत् । विष्णुः॑ ।
प्रतीति॑ । अ॒गृह्णात् । अ॒स्मासु॑ । इन्द्रः॑ । इन्द्रियम्॑ । दधातु॑ । इति॑ ।
यत् । दि॒वि । तृतीयम्॑ । आसीत्॑ । तेन॑ । इन्द्रः॑ । वज्रम्॑ । उदिति॑ ।
अ॒यच्छत्॑ । विष्व॑वनुस्थित इति॒ विष्णु॑ – अ॒नुस्थितः॑ । सः ।
अ॒ब्रवीत्॑ । मा । मे॒ । प्रेति॑ । हाः । येन॑ । अ॒हम् । 40 (50)

TS 2.4.12.6

–मि॒दमस्मि॒ तत् ते॒ प्र दा॑स्यामीति॒ त्वी(३)॑ इत्य॑ब्रवी॒त् स॒न्धां तु॑
सं द॑धाव॒है त्वा॒मे॒व प्र॑वि॒शानी॑ति॒ यन्मां॑ प्र॒विशेः॑ किं॒ मा भु॑ञ्ज्या
इत्य॑ब्रवी॒त् त्वा॒मे॒वे॒न्धी॒य तव॑ भो॒गाय॑ त्वां प्र॒विशे॑यमित्य॑ब्रवी॒त् तं वृ॑त्रः
प्रा॒विश॑दु॒दरं॑ वै वृ॒त्रः क्षु॒त् खलु॑ वै म॒नुष्य॑स्य॒ भ्रातृ॑व्यो॒ य – [] 41

TS 2.4.12.6 - Padam

इ॒दम् । अ॒स्मि । तत् । ते । प्रेति॑ । दा॒स्यामि॑ । इति॑ । त्वी(३)॑ । इति॑ ।
अ॒ब्रवी॑त् । स॒न्धामि॑ति॒ सं – धाम् । तु । स॒मिति॑ । द॒धाव॒है । त्वा॒म् ।
ए॒व । प्रेति॑ । वि॒शानि॑ । इति॑ । यत् । मा॒म् । प्र॒विशे॑रिति॒ प्र–वि॒शेः ।
कि॒म् । मा । भु॑ञ्ज्याः । इति॑ । अ॒ब्रवी॑त् । त्वा॒म् । ए॒व । इ॒न्धी॒य ।
तव॑ । भो॒गाय॑ । त्वा॒म् । प्रेति॑ । वि॒शेय॑म् । इति॑ । अ॒ब्रवी॑त् । तम् ।
वृ॒त्रः । प्रेति॑ । अ॒विश॑त् । उ॒दर॑म् । वै । वृ॒त्रः । क्षु॒त् । खलु॑ । वै ।
म॒नुष्य॑स्य । भ्रातृ॑व्यः । यः । 41 (50)

TS 2.4.12.7

ए॒वं वै॑द॒ हन्ति॑ क्षु॒धं भ्रातृ॑व्यं॒ तद॑स्मै॒ प्राय॑च्छत्तत् प्र॒त्यगृ॑ह्णात्–
त्रि॒र्मा॑ऽथा इति॑ तद्–वि॒ष्णवे॑ऽति॒ प्राय॑च्छत् तद्–वि॒ष्णुः

प्रत्य॑गृ॒ह्णाद॒स्मास्वि॑न्द्र इन्द्रि॒यं दधा॑त्विति॒ यत्त्रिः॑ प्राय॒च्छत् त्रिः॑
 प्रत्य॑गृ॒ह्णात् तत् त्रि॒धातो॑स्त्रि॒धातु॑त्वं ँयद्-विष्णु॑रन्वति॒ष्ठत विष्ण॑वेऽति॒
 प्राय॒च्छत् तस्मा॑दैन्द्रावैष्ण॑वꣳ हवि॑र्भवति () यद्वा इदं॒ किञ्च॒ तदस्मै॑
 तत् प्राय॒च्छद् ऋचः॑ सामा॒नि यजू॑ꣳषि स॒हस्रं॑ वा अस्मै॑ तत्
 प्राय॒च्छत् तस्मा॑त् स॒हस्र॑दक्षिणं ॥ 42

TS 2.4.12.7 - Padam

ए॒वम् । वेद॑ । हन्ति॑ । क्षु॒धम् । भ्रातृ॑व्यम् । तत् । अ॒स्मै । प्रेति॑ ।
 अ॒यच्छत् । तत् । प्र॒तीति॑ । अ॒गृह्णा॑त् । त्रिः । मा । अ॒धाः । इति॑ ।
 तत् । विष्ण॑वे । अति॑ । प्रेति॑ । अ॒यच्छत् । तत् । विष्णुः॑ । प्र॒तीति॑ ।
 अ॒गृह्णा॑त् । अ॒स्मासु॑ । इन्द्रः॑ । इन्द्रि॒यम् । दधा॑तु । इति॑ । यत् ।
 त्रिः । प्रेति॑ । अ॒यच्छत् । त्रिः । प्रत्य॑गृ॒ह्णादिति॑ प्रति – अ॒गृह्णा॑त् ।
 तत् । त्रि॒धातो॑रिति॒ त्रि – धातोः॑ । त्रि॒धातु॑त्वमिति॒ त्रिधातु॑ – त्वम् ।
 यत् । विष्णुः॑ । अ॒न्वति॑ष्ठतेत्यनु – अति॑ष्ठत । विष्ण॑वे । अति॑ । प्रेति॑ ।
 अ॒यच्छत् । तस्मा॑त् । ऐन्द्रा॑वैष्ण॑वमित्यैन्द्रा – वैष्ण॑वम् । हविः॑ ।
 भवति॑ () । यत् । वै । इदम् । किम् । च । तत् । अ॒स्मै । तत् ।

प्रेति॑ । अ॒यच्छत् । ऋचः॑ । सामानि॑ । यजू॑षि । सह॒स्रम् । वै ।

अ॒स्मै । तत् । प्रेति॑ । अ॒यच्छत् । तस्मात्॑ ।

सह॒स्रदक्षिणमिति॑ सह॒स्र – दक्षिणम् ॥ 42 (71)

(प्र॒वणं – वि॒ष्णु – वा इ॒द – मि॒द – महं – यो – भ॒व –
त्ये॒कविं॑शतिश्च) (A12)

TS 2.4.13.1

दे॒वा वै रा॒ज॒न्या – जा॒यमा॒ना – द॒बिभ॑यु – स्त॒मन्त॑रे॒व स॒न्तं दा॒म्ना
ऽपौ॒म्भन्थ् स॒ वा ए॒षोऽपौ॑ब्धो जा॒यते॒ यद् – रा॒ज॒न्यो यद्वा ए॒षोऽन॑पोब्धो
जा॒येत॑ वृ॒त्रान् घ्न॑श्च॒रेद्यं॑ का॒मये॑त रा॒ज॒न्य – म॒नपो॑ब्धो जा॒येत॑ वृ॒त्रान्
घ्न॑श्च॒रेदि॒ति तस्मा॑ ए॒तमै॑न्द्रा॒बाह॑स्प॒त्यं च॒रुं निर्व॑पेदैन्द्रो वै
रा॒ज॒न्यो ब्र॒ह्म बृ॒हस्प॑ति ब्र॒ह्मणै॑वैनं () दा॒म्नोऽपौ॑भ॒नान् मुञ्च॑ति
हि॒र॒ण्म॒यं दा॒म दक्षि॑णा सा॒क्षादे॒वैनं॑ दा॒म्नोऽपौ॑भ॒नान् मुञ्च॑ति ॥ 43

TS 2.4.13.1 - Padam

दे॒वाः । वै । रा॒ज॒न्यात् । जा॒यमा॒नात् । अ॒बिभ॑युः । तम् । अ॒न्तः ।
ए॒व । स॒न्तम् । दा॒म्ना । अ॒पेति॑ । औ॒भ॒न् । सः । वै । ए॒षः ।

अपो॑ब्ध इत्य॑प- उ॒ब्धः । जा॒यते॑ । यत् । रा॒ज॒न्यः॑ । यत् । वै ।
 ए॒षः । अ॒नपो॑ब्ध इत्य॑नप - उ॒ब्धः । जा॒येत॑ । वृ॒त्रान् । घ्नन् ।
 च॒रेत् । यम् । का॒मये॑त । रा॒ज॒न्यम् । अ॒नपो॑ब्ध इत्य॑नप - उ॒ब्धः ।
 जा॒येत॑ । वृ॒त्रान् । घ्नन् । च॒रेत् । इति॑ । तस्मै॑ । ए॒तम् ।
 ऐ॒न्द्रा॒बा॒र्ह॒स्पत्य॑मित्यै॒न्द्रा-बा॒र्ह॒स्पत्य॑म् । च॒रुम् । नि॒रिति॑ । व॒पेत् ।
 ऐ॒न्द्रः । वै । रा॒ज॒न्यः । ब्र॒ह्म । बृ॒ह॒स्पतिः॑ । ब्र॒ह्म॒णा । ए॒व ।
 ए॒नम् () । दा॒मनः॑ । अ॒पो॑भ॒नादि॑त्यप-उंभ॒नात् । मु॒ञ्चति॑ ।
 हि॒र॒ण्म॒यम् । दा॒म । दक्षि॑णा । सा॒क्षादि॑ति स-अ॒क्षात् । ए॒व । ए॒नम् ।
 दा॒मनः॑ । अ॒पो॑भ॒नादि॑त्यप - उंभ॒नात् । मु॒ञ्चति॑ ॥ 43 (62)

(ए॒नं - द्वाद॑श च) (A13)

TS 2.4.14.1

न॒वो॒न॒वो भ॑वति जा॒यमा॑नोऽ॒ह्नां के॒तु॒रु॒षसा॑मेत्य॒ग्रे ।
 भा॒गं दे॒वेभ्यो॑ वि द॒धात्या॑यन् प्र च॒न्द्रमा॑स्तिरति दी॒र्घमा॑युः ॥
 यमा॑दि॒त्या अ॒शुमा॑प्याय॒यन्ति॑ यम॒क्षित॑-म॒क्षित॑यः पिब॑न्ति ।
 तेन॑ नो रा॒जा वरु॑णो बृ॒ह॒स्पति॑रा प्याय॒यन्तु॑ भुव॒नस्य॑ गो॒पाः ॥

प्रा॒च्यां॑ दि॒शि त्वमिन्द्रा॑सि॒ राजो॒तोदी॑च्यां॑ वृ॒त्रहन्॑ वृ॒त्रहा॑सि॒ ।

यत्र॑ यन्ति॑ स्रो॒त्यास्त॑ – [] 44

TS 2.4.14.1 - Padam

नवो॑नव॒ इति॑ नवः॑ – नवः॑ । भव॑ति । जाय॑मानः । अ॒ह्नाम् । के॒तुः ।
उष॑साम् । ए॒ति । अ॒ग्रे ॥ भा॒गम् । दे॒वेभ्यः॑ । वी॒ति । द॒धाति॑ ।
आ॒यन्नि॒त्या – यन् । प्रे॒ति । च॒न्द्रमाः॑ । ति॒रति॑ । दी॒र्घम् । आ॒युः ॥
यम् । आ॒दि॒त्याः । अ॒ञ्शुम् । आ॒प्याय॑यन्ती॒त्या – प्या॑ययन्ति । यम् ।
अक्षि॑तम् । अक्षि॑तयः । पिब॑न्ति ॥ तेन॑ । नः॑ । राजा॑ । वरु॑णः ।
बृह॑स्पतिः । ए॒ति । प्या॑ययन्तु । भुव॑नस्य । गो॒पा इति॑ गो – पाः ॥
प्रा॒च्याम् । दि॒शि । त्वम् । इन्द्र॑ । अ॒सि । राजा॑ । उ॒त । उदी॑च्याम् ।
वृ॒त्रह॑न्निति॑ वृ॒त्र – ह॒न् । वृ॒त्रहे॑ति॑ वृ॒त्र – हा । अ॒सि ॥
यत्र॑ । यन्ति॑ । स्रो॒त्याः । तत् । 44 (50)

TS 2.4.14.2

–ज्जि॑तं ते दक्षि॑णतो॒ वृष॑भ ए॒धि ह॒व्यः ॥
इन्द्रो॑ जया॒ति न॑ प॒रा जया॑ता अ॒धि॒राजो॑ राज॒सु राज॑याति ।

वि॒श्वा हि॒ भू॒याः पृ॒त॒ना अ॒भि॒ष्टी॒रुप॒सद्यो॑ नम॒स्यो यथा॑ऽसत् ॥

अ॒स्येदे॒व प्र रि॒रिचे॑ म॒ह॒ित्वं दि॒वः पृ॒थि॒व्याः पर्य॑न्त॒रि॒क्षात् ।

स्व॒राडि॒न्द्रो द॒म आ वि॒श्वगूर्तः॑ स्व॒रि॒रम॒त्रो वव॑क्षे र॒णाय ॥

अ॒भि त्वा शू॒र नो॒नुमो॑ऽदु॒ग्धा इ॒व धे॒नवः॑ ।

ई॒शा॒न- [] 45

TS 2.4.14.2 - Padam

जि॒तम् । ते । द॒क्षि॒णतः॑ । वृ॒षभः॑ । ए॒धि । ह॒व्यः ॥

इ॒न्द्रः । ज॒याति॑ । न । प॒रेति॑ । ज॒यातै॑ । अ॒धि॒राज॑ इ॒त्यधि॑ – रा॒जः ।

रा॒जस्वि॒ति रा॒ज – सु॒ । रा॒जया॑ति ॥ वि॒श्वाः । हि । भू॒याः । पृ॒त॒नाः ।

अ॒भि॒ष्टीः । उ॒प॒सद्य॑ इ॒त्युप॑ – सद्यः॑ । नम॒स्यः । यथा॑ । अ॒सत् ॥

अ॒स्य । इत् । ए॒व । प्रेति॑ । रि॒रिचे॑ । म॒ह॒ित्वमि॑ति म॒हि – त्वम् ।

दि॒वः । पृ॒थि॒व्याः । प॒रीति॑ । अ॒न्त॒रि॒क्षात् ॥ स्व॒राडि॒ति स्व – राट् ।

इ॒न्द्रः । द॒मे । ए॒ति । वि॒श्वगूर्त॑ इति वि॒श्व-गूर्तः॑ । स्व॒रिः । अ॒म॒त्रः ।

वव॑क्षे । र॒णाय ॥ अ॒भीति॑ । त्वा । शू॒र । नो॒नुमः॑ । अ॒दु॒ग्धाः । इ॒व ।

धे॒नवः॑ ॥ ई॒शा॒नम् । 45 (50)

TS 2.4.14.3

–मस्य जगतः सुवर्द॑शमी॑शानमिन्द्र॑ तस्थुषः॑ ॥
त्वामि॑द्धि हवामहे॑ साता॑ वाजस्य॑ कारवः॑ ।
त्वां वृ॑त्रेष्विन्द्र॑ सत्पतिं॑ नरस्त्वां॑ काष्ठा॑स्वर्वतः॑ ॥
यद्द्याव॑इन्द्र॑तेशत॑ शतं॑ भूमी॑रुत स्युः॑ ।
न त्वा॑ वज्रि॑न्त् सहस्र॑ सूर्या॑ अनु॑ न जा॒तम॑ष्ट रोद॑सी ॥
पिबा॑ सोममिन्द्र॑ मन्दतु॑ त्वा यन्ते॑ सु॒षाव॑ हर्य॑श्वाद्रिः॑ । 46

TS 2.4.14.3 - Padam

अस्य॑ । जगतः॑ । सुव॑र्दशमि॑ति सुवः॑ – दृश॑म् । ईशान॑म् । इन्द्र॑ ।
तस्थुषः॑ ॥ त्वाम् । इत् । हि । हवामहे॑ । साता॑ । वाजस्य॑ । कारवः॑ ॥
त्वाम् । वृ॑त्रेषु । इन्द्र॑ । सत्पति॑मिति सत् – पति॑म् । नरः॑ । त्वाम् ।
काष्ठा॑सु । अर्वतः॑ ॥ यत् । द्यावः॑ । इन्द्र॑ । ते । शत॑म् । शत॑म् ।
भूमीः॑ । उत॑ । स्युः॑ ॥ न । त्वा । वज्रि॑न् । सहस्र॑म् । सूर्याः॑ ।
अन्वि॑ति । न । जा॒तम् । अष्ट॑ । रोद॑सी इति॑ ॥ पिब॑ । सोम॑म् । इन्द्र॑ ।

म॒न्दतु॑ । त्वा॒ । यम् । ते॒ । सु॒षाव॑ । ह॒र्य॒श्चेति॑ हरि॒ – अ॒श्व॒ ।

अ॒द्रिः॑ ॥ 46 (50)

TS 2.4.14.4

सो॒तुर्बा॒हुभ्या॑ ५ सु॒यतो॑ ना॒र्वा॑ ॥

रे॒वती॑र्नः स॒धमा॑द इ॒न्द्रे स॑न्तु तु॒विवा॑जाः ।

क्षु॒मन्तो॑ याभि॒र्मदे॑म ॥

उद॑ग्ने शु॒चय॑स्तव॒ वि ज्यो॑तिषो दु॒त्यं जा॒तवे॑दस॒ ५

स॒प्त त्वा॑ ह॒रितो॑ रथे॒ वह॑न्ति दे॒व सूर्य॑ ।

शो॒चिष्के॑शं वि॒चक्ष॑ण ॥

चि॒त्रं दे॒वाना॑मुद॒गाद॑नी॒कं चक्षु॑र्मि॒त्रस्य॑ वरु॒णस्या॒ग्नेः ।

आ॒ऽप्रा द्या॒वापृ॑थि॒वी अ॒न्तरि॑क्ष॒ ५ सूर्य॑ आ॒त्मा

ज॒गत॑स्त॒स्थुष॑ – [] 47

TS 2.4.14.4 - Padam

सो॒तुः । बा॒हुभ्या॑मि॒ति बा॒हु – भ्या॑म् । सु॒यत॑ इति सु – यतः ।

न । अ॒र्वा॑ ॥ रे॒वतीः॑ । नः॑ । स॒धमा॑द इति सध – मादः । इ॒न्द्रे॑ ।

स॒न्तु । तु॒वि॒वा॒जा इति॑ तु॒वि – वा॒जाः ॥ क्षु॒मन्तः॑ । याभिः॑ ।
मदे॑म ॥ उदि॑ति । अ॒ग्ने । शु॒चयः॑ । तव॑ । वी॒ति । ज्योति॑षा । उदि॑ति ।
उ । त्यम् । जा॒तवे॑दसमि॑ति जा॒त – वे॒दसम् । स॒प्त । त्वा । ह॒रितः॑ ।
रथे॑ । वह॑न्ति । दे॒व । सूर्य॑ ॥ शो॒चिष्के॑शमि॑ति शो॒चिः – के॒शम् ।
वि॒चक्ष॑णेति॑ वि – च॒क्षण ॥ चि॒त्रम् । दे॒वाना॑म् । उदि॑ति । अ॒गात् ।
अ॒नीक॑म् । चक्षुः॑ । मि॒त्रस्य॑ । वरु॑णस्य । अ॒ग्नेः ॥ ए॒ति । अ॒प्राः ।
द्या॒वापृ॑थि॒वी इति॑ द्या॒वा – पृ॒थि॒वी । अ॒न्तरि॑क्षम् । सूर्यः॑ । आ॒त्मा ।
जग॑तः । त॒स्थुषः॑ । 47 (50)

TS 2.4.14.5

श्च ॥

वि॒श्वे दे॒वा ऋ॑ता॒वृध॑ ऋ॒तुभिर्॑ ह॒वन् श्रु॑तः ।
जु॒षन्तां॑ यु॒ज्यं प॑यः ॥
वि॒श्वे दे॒वाः शृ॑णु॒तेम॑ ह॒वं मे॒ ये अ॒न्तरि॑क्षे य उप॒ द्यवि॑ष्ठ ।
ये अ॒ग्निजि॒ह्वा उ॒त वा॒ यज॑न्ना आ॒सद्या॑स्मिन् ब॒र्हिषि॑
मा॒दय॑द्ध्वं ॥ 48

TS 2.4.14.5 - Padam

च॒ ॥ वि॒श्वे॑ । दे॒वाः । ऋ॒ता॒वृ॒ध इ॒त्यृत॑ – वृ॒धः । ऋ॒तुभि॒रित्यृ॑तु-भिः ।
ह॒व॒न॒श्रु॒त इति॑ ह॒व॒न – श्रु॒तः ॥ जु॒ष॒न्ता॒म् । यु॒ज्य॒म् । प॒यः ॥ वि॒श्वे॑ ।
दे॒वाः । शृ॒णु॒त । इ॒म॒म् । ह॒व॒म् । मे॒ । ये॒ । अ॒न्त॒रि॒क्षे॑ । ये॒ । उ॒पेति॑ ।
द्य॒वि । स्थ॒ ॥ ये॒ । अ॒ग्नि॒जि॒ह्वा इ॒त्यग्नि॑ – जि॒ह्वाः । उ॒त । वा॒ ।
य॒ज॒त्राः । आ॒स॒द्ये॒त्या – स॒द्य । अ॒स्मिन् । ब॒र्हि॒षि ।

मा॒द॒य॒द्ध॒व॒म् ॥ 48 (30)

(त – दी॒शा॒न – म॒द्रि – स्त॒स्थु॒ष – स्त्रि॒ंश॒च्च) (A14)

=====

Prasna Korvai with starting Padams of 1 to 14 Anuvaakams :-

(दे॒वा म॑नु॒ष्या – दे॒वसु॒रा अ॑ब्रुवन् – दे॒वासु॒रास्तेषां॑ गाय॒त्री –
प्र॒जाप॑तिस्ता यत्रा – ग॒ने गो॑भिः – चि॒त्रया॑ – मा॒रुतं॑ – दे॒वा व॑सव्या
अ॒ग्ने – मा॒रुत॑मिति – दे॒वा व॑सव्या दे॒वाः श॑र्मण्याः – सर्वा॑णि –
त्व॒ष्टा ह॑तपु॒त्रो – दे॒वा वै रा॑जन्यान् – नवो॑नव – श्रु॑तुर्दश)

Korvai with starting Padams of 1, 11, 21 Series of Panchaatis :-

(दे॒वा म॑नु॒ष्याः – प्र॒जां प॑शुन् – दे॒वा व॑सव्याः – परि॒द॒ध्यादि॑द–
मस्म्य॑ – ष्टा च॑त्वारि॒ंशत्)

First and Last Padam of Fourth Prasnam of Kandam 2:-

(दे॒वा म॑नु॒ष्या – मा॒दय॑द्ध्वं)

॥ हरिः ओं ॥

॥ कृष्ण यजुर्वेदीय तैत्तिरीय संहिता पद पाठे द्वितीयकाण्डे चतुर्थः प्रश्नः समाप्तः ॥

पद पाठे (वाक्य सहित) – द्वितीयकाण्डे – चतुर्थः प्रश्नः

Details of Panchati and Padam for Kandam 2 , Prasanam 4 (TS 2.4)

| | Panchati | Padams |
|-------------|----------|--------|
| Anuvakam 1 | 4 | 204 |
| Anuvakam 2 | 4 | 199 |
| Anuvakam 3 | 3 | 145 |
| Anuvakam 4 | 3 | 153 |
| Anuvakam 5 | 2 | 88 |
| Anuvakam 6 | 2 | 112 |
| Anuvakam 7 | 2 | 92 |
| Anuvakam 8 | 2 | 120 |
| Anuvakam 9 | 4 | 179 |
| Anuvakam 10 | 3 | 171 |
| Anuvakam 11 | 6 | 280 |
| Anuvakam 12 | 7 | 371 |
| Anuvakam 13 | 1 | 62 |
| Anuvakam 14 | 5 | 230 |
| Total → | 48 | 2406 |

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in.